

NAA NDI TSHINI TSHINE TSHA

KHOU KOKODZA THAVHANI?



Tendani fhedzi, tendani fhedzi, Zwo^{the} zwi a konadzea, tendani fhedzi.

Kha ri kotamise zwifha^{tu}wo zwashu zwino.

Khotsi Mudzimu, iyo ndi thabelo yashu ya vhukuma madekwana a ^qamusi, ri tshi vhona zwe^{the} zwine Wa khou itela vhatu nga ^lino ^duvha. Huno ri a U humbelia, Murena, ngavhe ri tshi tenda fhedzi, u tenda fhedzi uri Ndi Ngoho, Ipfi lo ⁿwaliwaho li tshi vhonadzwa kha ri^e. Zwi tendele izwi zwithu, Khotsi.

² Zwino madekwana a ^qamusi ri ^todou U livhuwa kha tshe—Tshedza tshe Wa tshi posela kha Maⁿwalo u tshi itela rine matsheloni ano. Huno ri a rabela madekwana a ^qamusi, Murena, kha uyo muduba wa thabelo, uri U ^do khwathisedza Ipfi ^lau uri ndi Ngoho.

³ Ri rabelela zwivhidzo zwe^{the} na zwivhidzo two kuvhanganaaho u mona na zwi—zwi—zwihudzaipfi zwi^luku nnda u bu^dekanya, u bva kha lushaka, ^dnilani yothe u ya Khunzikhunzini ya Vhukovhela, ⁿtha ngomu dzithavhani dza Arizona, fhasi midavhini ya Texas, kule ngomu Khunzikhunzini ya Vhubvaduvha, hothe u bu^dekanya shango, Murena, he vha kuvhangana hone. Ro khaukana lwa awara nnzhi, ri kha tshifhinga, fhedzi, Murena, ri rothe madekwana a ^qamusi sa ^qanda nthihi, vhatendi, ro lindela ^U Da ha Mesia. Ri a rabela, Khotsi wa ^ladulu, uri U ^do Mu ruma hu si kale u tshi itela Tshivhidzo Tshau. Ngauri ri zwi humbelia nga Dzina Lawe. Amene.

⁴ Ni nga dzula. Ndumeliso dza Tshikriste kha vho^{the} vha re fhano madekwana a ^qamusi. Ndi humbelia pfarelo ngauri ri kha di vha ro tsitsikana nahone ro ^dala u swika ri si tsha kona u fema. Na zwirotodzi zwa maya, khathili na uri maya wo rothodzwa, a zwi na mveledzwa khulwane, vhatu ndi vhanzhi nga maanda. Arali ho vha hu tshi tou vha fhedzi tshivhidzo tsha misi tsho ^dalaho vhatu, izwo zwirotodzi zwa maya two vha zwi tshi ^do ni xwatudza. Fhedzi zwino mu^ñwe na mu^ñwe u na tshivhudzulamuya, u khou vhudzula, huno tshirothodzi tsha maya tshi khou vhudzula nga maanda u ya nga hune tsha kona.

⁵ Ri rumela ndumeliso dzi bvaho Khunzikhunzini ya Vhubvaduvha dzi tshi ya Vhukovhela, kha khonani dzashu dzo^{the} kha Kristo, dzi no khou thetshelesa ngomu. Ri rumela dzindumeliso hangei San Jose, Mukomana Borders, tshigwada tshi re ngei ⁿtha. Ri rumela dzindumeliso ⁿtha

dzithavhani, Prescott, Arizona, kha Mukomana Leo Mercier na tshigwada tshawe tshi re ngei n̄tha tsho lindelaho U Da ha Murena. Ri rumela dzindumeliso kha avho vha re Tucson, vho kuvhanganaho madekwana a namusi, vho lindelaho U Da ha Murena. Fhasi ngei Houston, Texas, kha avho vho lindelaho U Da ha Murena. Ngei n̄tha Chicago, kha avho vho lindelaho U Da ha Murena. Ngei n̄tha kha Khunzikhunzi ya Vhubvađuvha, New York na Connecticut, na zwigwada zwihiwlane henengei n̄tha, zwo lindelaho U Da ha Murena. A ri na lufhera fhano lwa u vha nea vhudzulo, ngauralo ri tou tea u vha rumela Ipfi nga ndi—ndila ya luđingo. Ri rumela dzindumeliso kha Mukomana Junior Jackson madekwana a namusi, na tshigwada tshawe ngei Clarksville. Mukomana Ruddell, n̄tha kha furathimbili, na tshigwada tshawe, vho lindela U Da ha Murena. Huno ro kuvhangana fhano madekwana a namusi tshivhidzoni tsha hayani, thaberenakele, ro lindela U Da ha Murena.

⁶ Huno zwino, vhunzhi hanu khamusi no vha ni siho dzitshumeloni matsheloni ano. Fhedzi ndi a fulufhela zwauri muñwe na muñwe, we a vha a siho, u do wana iyo theiphi, ngauri ndi a tenda uri wo vha u Mulaedza wo livhanesaho na tshivhidzo u bva tsha mu—Mulaedza wa *Vhañe Vhanga, Naa Ndi Tshifhinga-de?* Ndo pfa ndodzo ya Muya, nda pfa ndi tshi dededzwa u amba zwe nda ita. Zwo vha zwo lapfa, fhedzi naho zwo ralo ndo pfa ndi tshi dededzwa u zwi ita. Huno ndi elekanya uri Murena, nga Ipfi Ławe, o sumbedza uri ri khou tshila kha awara-de. Huno ivhani na ngoho ya uri ri pfesesa izwi zwithu zwi mangadzaho zwi no khou bvelela. Ni a dihva, Bivhili yo ri, “Vhaṭali vha do pfesesa.”

⁷ Fhedzi tshakha na vhathu zwi do n̄na “u shaya nungo na u talifha.” Edzonu elekanya, Muamerika o linganelaho zwino u kha murole wa vhukati, u ḥodou swika miñwaha ya fumbili nga vhukale, u shaya nungo fhedzi o thanya. Vho vha vha si na dzidzhetha kha ayo mađuvha, na—na zwithuthubisi zwa athomo, fhedzi vho lalama nga maanda. Riñe ri khou nana u vha vha shayahlo nungo na u ḥalifha, huno vhuṭali hashu ndi hone vhune ha khou yo ri tshinyadza. Ri do ditshinyadza riñe vhañe. Mudzimu a nga si ri tshinyadze; vhuṭali hashu vhu do ri tshinyadza. Zwo vha nga iyo ndila tshifhinga tshoṭhe, huno ngauralo zwi do dovha zwa ralo.

⁸ Zwino, Murena a tshi funa, nga matsheloni a Swondaha i tevhelaho, zwino ndi sa dihvi uri ndi khou yo amba nga ha mini, fhedzi ndi a fulufhela zwauri Murena, arali A ri tendela u tshila huno ha sa vhe na tshi no bvelela, nahone ha vha hu lufuno Lwawe, ri diimisela u amba muñwe Mulaedza nga matsheloni a Swondaha i tevhelaho, ra vha na thabelo ya vhalwadze vhusiku ha Swondaha i tevhelaho. Zwenezwo u vha mushumo wanga u vhuya hayani Arizona, u humisela muña murahu uri vhana vha kone u n̄walisa tshikoloni. Zwenezwo ni do... Ri do

ni divhadza, ri tshi kona fhedzi, nga ha miṭangano i tshi vhina, kana zwifhinga zwine ra... fhethu hune ra diimisela u vha hone. Ngauralo, Mudzimu a ni fhaṭutshedze nothe.

⁹ Zwino madekwana a n̄amusi, ndi tshi ḏivha zwauri ndi... N̄ne ndo lenga nga miniti dza fumiṭhanu, tsha u tou thoma, kotara u swika kha malo fhano Jeffersonville; huno iyo i ṭodou vha kotara u ya kha ya tahe kha Khunzikhunzi ya Vhubvaduv̄ha, huno zwenezwo i ṭodou rwa awara ya vhuṭanu n̄tha ha tshithoma kha Khunzikhunzi ya Vhukovhela. Ngauralo zwino ri tsini na u kovhela ha ḏuvha fhano. Huno ndi ṭodou amba na vhoinwi nga tshumelo zwayo pfufhi, u lingedza u wana ndodzo ya Muya, huno zwenezwo nda vhidza muduba wa thabelo.

¹⁰ Huno ndi ṭoda tshivhidzo fhano, khathihi na tshivhidzo tsho kuvhanganaḥo huṇwe fhethu, nda wana muṇwe munna, muṇwe mukomana o doliswaho nga Muya; huno musi ri tshi thoma u rabelela vhalwadze, ni ye u vhea zwanda kha avho vha re tshivhidzoni tshaṇu. Elelwani, Mudzimu u hothe-hothe; U huṇwe na huṇwe. Ngauralo, fhasi ngei Texas, henengei California, n̄tha ngei Arizona, huṇwe na huṇwe hune na vha hone, vheani zwanda kha avho vha no lwala musi ri tshi thoma u rabelela vhalwadze. Huno ndi na ngoho ya uri Mudzimu u ḏo pfa nahone a fhindula thabelo.

¹¹ Tshithu tshisili, vhusiku ha Swondaha yo fhiraho, huno ndodzo yo vha i tshi khou bvela phanda, nahone Muya Mukhethwa... Yo vha i tshithu vhukuma. A tho ngo vha na mu—muduba wa vhuṭalukanyi lwa miñwedzi na miñwedzi, u bva tshee nda vha fhano nga tshiṇwe tshifhinga. Huno zwenezwo u gonya ngei n̄tha hu na pfulufhedziso... A ni ḏivi uri U ḏo zwi ita. Ni nga si ambe uri U ḏo zwi ita. Ni tea ū tou gonya ngei n̄tha huno na lindela. Ndi muhulwane. U ita zwine A ṭodou ita. Fhedzi imani henengei huno ni lindele u vhonazwine A ḏo ita, zwenezwo na pfa U tshi ni kwasha nga u ralo.

¹² Huno magumoni a mu—muṭangano, ndi sa khou ḏivha uri ho vha hu nnyi, fhedzi ho vha na mu—munna huṇwe fhethu kha muduba we a vha o lapfa, huno e na phanda n̄tha, nahone e muthu a lwalaho nga maanda.

¹³ Huno zwenezwo afho mafhedziseloni, ho vha na munna we a bvelela hafha kha pulatifomo, huno o kotamisela thoho yawe fhasi, huno a vhonala a tshi nga u khou vhaisala, o difarelela kha thumbu. Huno ndo elekanya uri uyo u fanela u vha e uyo munna wa u thoma kana munna wa vhuvhili, kana musi ho vha hu ene uyo we nda mu rabelela, ngauri o vha e na phanda nahone o kotamisela thoho yawe fhasi; munna muhulwane, o hovhama. Fhedzi ndo sedza u mona hothe huno nda wana ngamula yo dzula henefho nn̄da, fhedzi yo vha i tshi khou pembela. Nda elekanya, “Vhu ngafhi?” A tho ngo kona u dzhia tsheo ya uri ho vha vhu ngafhi. Ndo kona u vhu pfa na u vhonazwine a re phanda hanga.

Ndo vhu pfa vhu tshi kokodza u mona hothe nga iyi ndila, huno ho vha vhu tshi bva murahu. Nda sedza Murathu Neville na avha vhavhili vho dzulaho hafha, ho vha hu si vhone. Nda ri, "Munna u damuni la ndovhedzo ngei murahu." Huno ni a divha uri ho vha hu nnyi? Mukomana Shepherd. Tshe tsha nnyita uri ndi si kone u mu limuwa, o vha o dzula ngei murahu thoho yawe yo kotama, a tshi khou rabela.

¹⁴ O elekanya uri u khou yo fa, o elekanya zwenezwo kha vhege dzi si gathi dzo fhiraho. Mufumakadzi wawe a mu vhudza uri a wane phere ntswa ya zwienda, huno a ri, "A thi nga zwi ṭodi. A thi nga vhi fhano lwa tshifhinga tshilapfu."

¹⁵ Huno o ḥangana na nne ḥinwe ḫuvha ngomu...ngei nthā dzharaṭani, ya Mukomana Wood, a tshi khou ḥavha mukosi na u renda Mudzimu. Ha pfi, "Ndi khou la tshipike, makumba, maṭamatīsi, tshinwe na tshinwe tshine nda ṭoda."

¹⁶ Huno nga u ḫitukufhadza a ḫekedza tshidulo tshawe, a ya ngomu afho murāhu a bva ndilani, nahone a tshi khou rabela. Ni a vhona, a ni ṭodi garaṭa ya thabelo, ni ṭoda lutendo fhedzi. Ni a vhona?

Zwino, a tho ngo zwi divha uri kana o fholo kana hai, ndo tou ri, "Mu—munna, a tshi khou rabela, u na tshinwe tshithu tsho khakheaho." Ndi elekanya uri Wo bula tshe tsha vha tshi tshone, "Vhuleme ha thumbuni, huno ni tshi khou rabela heneṭha murahu. Murena Yesu u ni nea mutakalo." Zwino, ndi zwenezwo fhedzi zwe nda vha ndi tshi nga kona u zwi amba. Mururo wo vha u wa uri o vha a tshi khou rabela. Ndo kona u zwi vhona, fhedzi tshi no bvelela a thi tshi ḫivhi. Ni a vhona?

¹⁷ Fhedzi musi ni tshi U pfa u tshi vhuya, muñwe na muñwe u a ḫivha, musi U tshi ri, "U RALO MURENA," ni a vhona, zwenezwo uyo ha tsha vha nne a no khou amba; uyo ndi Ene.

¹⁸ Fhedzi tshifhinga tshothe ndi ri, "Yesu Kristo o ni nea mutakalo," iyo ndi Ngoho kokotolo. "O rungelwa vhutshinyi hashu, ro fhodzwa nga ntho Dzawe." Ni a vhona? Ni a vhona?

¹⁹ Fhedzi musi U tshi da, "U RALO MURENA," huno wa ni vhudza zwine na tea u ita na zwine zwa khou yo bvelela, izwo zwi sedseseni, zwi ḫo vha nga ndila yeneyo.

²⁰ Fhedzi musi ndi tshi ri, "Yesu Kristo u a ni fhodza nahone u ni nea mutakalo," inwi zwi tendeni, ngauri O no ḫi zwi amba. Ndi khou tou dovhola zwe A amba.

²¹ Huno bono li khou tou dovhola zwe A sumbedza. Ni a pfesesa?

²² Zwino ngavhe ri tshi ḥavhanya huno ra dzhena kha Ipfi, ngauri ndi a ḫivha zwaṛi vhunzhi hanu ni fhano, ni na maela ndapfu dzine na tea u dzi enda madekwana a ḫamusi. Ndi rabela uri Mudzimu u ḫo ni fhaṭutshedza, a ni thusa nahone a ni tsireledza dzindilani. Huno zwino madekwana a ḫamusi

ndi takalela u vula kha Mateo Mukhethwa, ndima ya 21, na ndimana ya 1 u swika kha ya 11, kha Mateo Mukhethwa. Huno, zwino, arali ni si na Bivhili yanu, kana arali ni tshi Ძodou nwala aya Mañwalo, zwo luga.

²³ Huno zwino kha vhoiwi vhe na sa pfe Mulaedza na kathihi matsheloni ano, huno ni na theiphirekhoda; a ri humbeli na kathihi, ri tshi rengisa dzitheiphi. A ri humbeli na kathihi, ri tshi rengisa tshiñwe tshithu. Nga tshiñwe tshifhinga muñanganoni muhulu vha do divhadza zwauri vha na dzibugu ngei murahu; a ri wani tshithu ngadzo. Mukomana Vayle ndi muñwali. Dzitheiphi, munna a no tshimbida bindu ja theiphi hangei u do ni vhudza, a ri iti tshelede nga theiphi. A ri iti... A si “dzitheiphi”; ndi Mulaedza. Huno musi munna a tshi zwi wana thalukanyoni yawe zwauri ndi tshelede, a nga si tsha ita dzitheiphi limi. Izwo ndi zwone. Ndo vha ndi tshi khou vhudzisa nga hazwo, ndi elekanya uri theiphi dzashu dzi rengiswa, nga dolara dzi sa swiki thanu, kana tshiñwe tshithu, tharu u swika thanu, kana tshiñwe tshithu tsho raloho. Hu pfi mini? Tharu; na nna, kha idzo theiphi khulu, ndapfu.

²⁴ Huno muñwe mushumeli, ndo vhudzisa nga ha iñwe ya theiphi dzawe, huno yo vha i dolara dza Ძahe, i tshi Ძodou dzhia miniti dza fumbili kana furaru, dza mulaedza.

²⁵ Ngauralo ndi vhona uri Mukomana Sothmann washu ngei murahu ha khou pfuma, muñwe na muñwe wavho, nga idzi theiphi dzine vha khou—vha khou dzi bvisa. Ni a vhona, vha tou ita yo edanaho uri vha kone u bvela phanda nazwo. Ndi nga si vha humbele u dzi ita nga fhedzi, ngauri vha tea u renga dzitheiphi na tshiñwe na tshiñwe-vho. Huno mitshini i a dura nga maanda, i vhidza dolara dzi no Ძodou swika zwigidi zwa fumi u lugisela u ita idzo theiphi, tsha u tou thoma.

²⁶ Zwino, ndi pfectesa uri hu si kale ndi...ndo no di zwi divhadza. Fhedzi hu na u thetshelesa theiphi hafhu. Kanzhi-kanzhi ri...vhalangandaka, a thi na mushumo nazwo na luthihi. A thi vhuyi nda...na kathihi kha muñwe wa miñangano. A si tshiñwe tshazwo—tshiñwe tshazwo tshi no zwi funa kana u lwa nazwo. Vha disa magemo avho; vhalangandaka vha dzhia tsheo ya uri ndi nnyi munna a tevhelaho a no do ita dzitheiphi, huno vha mu rumela luñwalo. Ndi zwenezwo fhedzi zwine nda Ძivha nga hadzo. Vha a dzi londa hedzo, ngauri a thi koni na u kumedza vhushie ndi sa ambi u londa dzitheiphi, nga u ralo, kana u lovhedza.

²⁷ Ngauralo thalukanyo yanga ndo i vhea kha uyu Mulaedza, uyo ndi uyo Mururo wa Vhuraru, huno ndi wone une nda fanela u fulufhedzea khawo na u u hulisa.

²⁸ Mateo 21:1 u swika kha ya 11. Ndo amba izwo u itela uri ni kone u sedzes...kana u ya Mañwaloni.

Huno musi won... Huno musi vha tshi sendela Yerusalem, nahone vho no swika Betfage, thavhani ya Miṭwari, ... Yesu a ruma vhafunziwa vhawe vhavhili,

Huno a ri khavho, Iyani muđini u re afho tsini hanu, huno nga u ṭavhanya ni do wana donngi yo vhoxwa, huno i na donngana: dzi vhofhololeni, huno ni dici dise kha nne.

Huno arali muñwe muthu-vho a tshi amba na vhoinwi, inwi ni ḥo ri, Murena u na mushumo nadzo; huno nga u ṭavhanya u do dici rumela.

Izwi zwo itwa zweithe, uri zwi kone u khunyelela zwe zwa ambiwa nga muporofita, a tshi ri,

Vhudzani vhananyana vha Tsioni, Vhonani, Khosi yanu i a ḥa inwi, yo vudaho, . . . yo dzula kha donngi, nahone donngana nwana wa donngi.

Huno vhafunziwa vha ya, huno vha ita sa zwe Yesu a vha laedza,

Huno vha dici do—donngi, na donngana, huno vha kapea zwiambaro zwavho khayo, huno vha mu dzudza khazwo.

Huno mavhuthu manzhi nga maanda a adza nguvho dzao ndilani; huno vhañwe vha rema matavhi a miri, huno vha a ala ndilani.

Huno mavhuthu e a ṭuwa phanda, na e a tevhela, a vhidzelela, a tshi ri, Hosiana kha murwa wa Dafita: Mashudu ndi uyo a ḥaho nga dzina la Murena; Hosiana ṭadulutadulu.

Huno musi a tshi dzhena Yerusalem, muđi wothe wa dzinginyea, u tshi ri, Naa ndi nnyi uyu?

Huno mavhuthu a ri, Uyu ndi Yesu muporofita wa Nazaretha wa Galilea.

²⁹ Zwino arali ndi tshi nga dzhia liñwalwa li bvaho afho, lwa miniti i no ḥodou swika furaru muduba wa ḥabelo u sa athu thoma, ndi ḥo takalela u dzhia iyi sa liñwalwa: *Naa Ndi Tshini Tshine Tsha Khou Kokodza Thavhani?*

³⁰ Zwino, lo vha ḫuvha li netisaho nga maanda, la mazhuluzhulu, nahone lo vha li ḫuvha li si la misi. Ri wana Yesu hafha a tshi da Yerusalem, o ḫilugiselā u vha hone kha paseka. Huno paseka ndi he ngwana ya paseka ya vhulawa, huno malofha a ḫodzwa kha tshidzulo tsha khathutshelo u itela tshi—tshipfumelo tsha—tsha vhathu. Huno O da a tshi bva Bettfage nahone o ḥa ḥodzini ya Thavha ya Miṭwari, ine ya sedza fhasi kha muñwe muvhundu mułuku he Yerusalem wa vha wo fhañwa. Huno zwezwo O sedza, huno a ḫivha uri aya o vha e madało Awe a u fhedza.

³¹ Itshi tsho vha tshi tshifhinga tsha musi A tshi do kumedzelwa zwandani zwa vhanna vhavhi huno vha tshi do Mu vhulaha. O vha a tshi do fa lufu lu ofhisaho lwe lwa vhuya lwa fiwa nga a faho, huno a swiṭwa. O vha a tshi do fhetwa nga Vhawe Ene muṇe, vhaṇwe vhavho vho ima heneffho Nae. Huno Ene, e Mudzimu, o divha zwe zwa vha zwi mbiluni dzavho, huno a divha u bva mathomoni uri ndi nnyi a no do Mu fheṭa. Huno O divha uri uyo munna o vha e Nae we a dzula nga thungo Yawe nahone a vhala tshelede Yawe Khae, na zwiṇwe-vho, a divha uri uyo munna u do Mu fheṭa. Nahone o divha uri tshifhambano tsha Roma tsha tshiṭhu tsho Mu lindela ngei nn̄da. O divha uri mađi Awe muvhilini Wawe na Malofha a muvhili Wawe zwi do khaukana, na uri Malofha a do rotha a tshi bva kha phanda Yawe, mashotha mahuluhulu a no nga biko. O divha zwoṭhe zwe zwa vha zwi phanda Hawe. Huno U ima n̄ha ha thavha, o sedza ngei Yerusalema.

³² Vhatu vha iļo ḫuvha, vhone...zwe vha vhidza iļo ḫuvha, "kilasi ya khwine ya vhrurereli ya vhatu," yo Mu vhgenga. Zwivhidzo zwa iļo ḫuvha zwo Mu vhenga huno zwa Mu sasaladza, nahone zwa sasaladza vhoṭhe vhe vha Mu thetshesela. Huno arali vho ya nahone vha vha hone khunguwedzoni Dzawe, nga u ṫavhanya vho khaulwa kha vhuṭama ha tshivhidzo. A zwi mangadzi Luṇwalo lwo ri, "O da kha Vhawe Ene muṇe, huno Vhawe Ene muṇe a vho ngo Mu ṫanganedza." Avho vhe vha tea u vha vho Mu funa, avho vhe vha tea u vha vho ima Nae, vho vha vhe maswina Awe a kalakataho, a kalakatesaho.

³³ Huno O ita tshigwada tshiṭuku Tshawe tshi bvaho kha tshivhalonyana tsha vhatu vha vhashai, vharei vha khovhe, vhathelisi, vha songo funzeaho. Bivhili yo ri vhaṇwe vhavho nahone vho vha vhe "vha sa divhi, vha songo funzwaho." Vhaṇwe vho kundelwa na u saina dzina ļavho. Ho ngo ya zwivhidzoni u wana vhatu Vhawe na kathihi.

³⁴ Huno Ho ngo tendelana na muṇwe wa vharangaphanda-vho vha tshivhidzo. Nahone, nga nn̄da ha hezwo, O tevhela buđo lenelo la muporofita. O haṭula tshinwe na tshiṇwe tshe vha ita, vhunga avho vho vhaho phanda Hawe vho ita; ngauri vho vha vhe tshipida tsha Ipfi, huno Ene o vha e Ipfi nga vhudalo Halo.

³⁵ Fhedzi vhukati hazwo zwoṭhe, kha tshikhathi tshiṇwe na tshiṇwe na muporofita muṇwe na muṇwe we a vha hone kana a no do vha hone, hu khou yo vha na tshiṇwe tshivhalo tsha vhatu vho telwaho u pfa uyo Mulaedza, huno vha do U tevhela. Avho a vha dzhieli nzhele magogo. A vha dzhieli nzhele tsatsaladzo ya a sa tendi. Vhone—vhone a vha na khani navho. Vha na tshithu tshithihi tshire vha tea u tshi ita, itsho ndi u tenda na u wana tshipida tshiṇwe na tshiṇwe Tšalo tshire vha kona, vha Li pangā ngomu vhunga Maria we a dzula milenzheni ya Yesu.

³⁶ Huno Martha o vha a tshi khou lugisa tshiswiṭulo Tshawe, huno Yesu a ri khae, “Fhedzi, Martha, u vhilaela nga maanda nga ha zwithu zwa vhutshilo, fhedzi Maria o ḥoda zwithu zwa khwine,” ni a vhona, zwithu zwa Vhutshilo Vhu Sa Fheli.

³⁷ Zwino, ri wana uri vhunzhi ha vhathe vhe vha pfesesa... Vho vha vha si na litheretsha sa zwine ra vha nayo ḥamusi, vho vha vha si na thelevishini kana thingo, kana tshiñwe tshithu, tsha iło duvha, fhedzi ho ambiwa nga hazwo u mona hothe zauri O vha a tshi khou yo vha ngei pasekani. Ngauri vhunzhi ha vhathe, vhe na ḥhalukanyo ya maya, vho ḫivha uri O vha e iyo Ngwana ya paseka, ngauri O vha o no dī vha vhudza zwithu zwe zwa vha zwi tshi khou yo bvelela.

³⁸ Huno zwenezwo, a hu na zwiñwe, vha tshi ḫivha uri O vha a tshi tea u vha henengei, nahone vho Mu funa nga ndila ye vha ita, vho vha vho Mu lindela. Ho vha hu na gogo le ḥhamusi la vha li tshi khou kharamedza, li tshi khou sukumedza u bva kha iñwe khoro u ya kha iñwe, vha tshi sedzesha nga ndila dzothe, ngauri vho ḫivha uri nga iñwe ya dziawara U ḥo bvelela. Vho vha vha tshi khou sedzesha.

³⁹ Vhanwe vho vha vha tshi khou mangala uri thaidzo ndi mini nga ha avha vhathe vha no khou gidima u bva kha iñwe khoro u ya kha iñwe. “Naa ndi tshini tshire tsha khou kokodza?”

⁴⁰ Huno vho sedza thungo *ino* nahone vha sedza thungo *iyo*, u wanulusa. Ho vhonala hu tshi nga vho vha vha tshi khou ḥoda tshiñwe tshithu, vha na ndavhelelo ya uri tshiñwe tshithu tshi khou yo bvelela.

⁴¹ Oo, nga ndila ine nda do takalela u shandukisa ḥinwalwa ḥanga lwa miniti i si gathi huno nda amba izwi, zauri iyo ndi yone thaidzo ḥamusi. Vhathe vha no khou Mu ḥoda a tshi da vha kha mulindelo muhulwane na dzindavhelelo. Ri kona u u pfa, mutsiko. Huno vha khou ḥoda, vha tshi khou sedzesha musudzuluwo muñwe na muñwe na tshiga tshiñwe na tshiñwe, vha tshi khou tshi vhambedza na Mañwalo.

⁴² Huno musi vho no vhona izwo zwithu zwe zwa bulwa nga Hae, heneffo u swika vhufheloni, vho ḫivha uri vhufhelio vha vhu tsini. Vho ḥoda u vha henengei, ngauralo vho sedzesha. Tshipida tsha magogo tsho vha tshi tshi ima Nae, kha vha si gathi. Vhanwe vho vha vha tshi lwa Nae, vhunzhi havho, phesente dza ḥahe dzo vha dici tshi lwa Nae.

⁴³ Huno izwo zwi nga ndila ine zwa vha ngayo ḥamusi kha magogo a vhurereli, musi zwa vhukuma zwi tshi da kha Ipfi na Kristo, hu na phesente i no ḥodou swika nthihi i no do Li tenda. Tshiñwe tshipida tshi nga si Li ḥhogomele, hu sa londwi zwe zwa itwa, vha do sokou ita luñwe lushaka lwa miswaswo kana vha Li hoyo. Zwi ḥodou fana. Tshifhinga, zwithu a zwi shanduki nga maandesa lini, ḫivhazwakale i tou ḫidovholola.

⁴⁴ Ndi zwone, ri wana uri izwo zwo vhanga mutsiko wa vhuṭaledzi. Zwo ḍo tea u ralo. Zwi fanela u zwi ita. Vho vha vho lindela, vho vha tshi khou mangala zwe A vha a tshi ḍo ita musi A tshi swika henengei. Vho ṭoda u vha henengei u wana tshińwe na tshińwe tshe A ita. Vho Li ṭoda. Vho ṭoda u Li vhona. Vho Mu tenda. Vhańwe vho vha vho no pfa uri U khou ḏa, huno vha gonya henengei u tamba Ngae. Ngauralo nga murahu ha mulindelo u tsikaho vhuṭaledzi, ḫuvha li si la nga misi, tshifhinga tshi si tsha nga misi, zwivhidzo zwo edela, luṭaledzi lwa vhathu lu tshi ṭodou kwashekana, ho vha hu na vhathu vhanzhi henengei, huno zwenezwo zwa bvelela!

⁴⁵ N̄tha ha Thavha ya Miṭwari hu da donngana, tshena i no khou ḏa, i tshi tsa muvhunduni, i na tshigwada tsha vhathu vha no khou zhamba sa vha pengaho, vha tshi ka maṭari a mitshevho kha miri, vha tshi posela zwiambaro zwavho ḫilani, vha tshi zhamba, “Hosiana kha Murwa wa Dafita a no ḏa nga Dzina la Murena!” Yone...uku kumeilana, Munameli wayo o vha e si muńwe nga nn̄da ha Mesia o ḫoliswaho wa Mudzimu wa awara.

⁴⁶ Mudzimu, zwenezwo, O vha a tshi khou itani? Naa ndi tshini tshine tsha khou kokodza ngei muvhunduni? Ndi Mudzimu a tshi khou ita ḫivhazwakale, na Mudzimu a tshi khou khunyeledza vhuporofita. Huno izwo tshifhinga tshothe zwi vhanga tshi kokodzaho. Tshi disa vhasasaladzi vhothe, maanga (a Mulaedza wa ano matsheloni), na one magoni. Ni a vhona? Vha a kuvhangana u wanulusa zwine zwa khou bvelela. Vhańwe vha ḫela u ṭodou ḫivha, vhańwe vha ḫela u wana mulandu, vhańwe vha ḫela u sasaladza. Hu na tshakha dzothe dzo kuvhanganaho, vhunga ro amba matsheloni ano: vhatendi, vhadzia-u-diitisa, na vha sa tendi. Naa ndi mini tshi re thavhani? Vhuporofita vhu khou khunyelela. Zwino ri ḍo vhona zwine zwa itea.

⁴⁷ Zwino, Buguni ya Sakaria, kha ndima ya 9 na ndimana ya 9. Sakaria, muńwe wa vhaporofita, o amba Muyani, a tshi amba izwi.

Pembelani zwiḥulwane, Oo vhananyana vha Tsioni; tħavhani mukosi, Oo vhananyana vha Yerusalem: vhonani, Khosi yanu i ḏa kha inwi: yo luga, . . . i na tshidzo; i a ḫitukufhadza, nahone yo namela donngi, kha ḫwana, donngana ḫwana wa donngi.

⁴⁸ Zwino, naa thaidzo yo vha i mini nga avho vha mańwalo? Naa thaidzo yo vha i mini nga ha avho vhotshif? Naa thaidzo yo vha i mini nga avho vhatnu vha vhurereli? Izwi zwo ḫwaliwa mińwaha ya qainā na fumalosumbe zwi sa athu bvelela, nga muporofita o khwaṭhisēdzwaho, huno zwo vha zwo no di vhewa ngomu ha mańwalo huno zwa vhidzwa Bivhili, mańwalo a Testamente Ndala. Ndi ngani vho kundelwa u vhona uri uvho ho vha vhu vhuporofita vhu no khou khunyelela? Tshiitisi ndi tshenetsho tshithihi vha tshi

kundelwa u zwi vhona ḥamusi. Vho vha vho no dzhia Ipfi la Mudzimu huno vha Li ita li si na mvelelwa kha vhatu, nga u funza (u itela maitele) maitele a muthu sa Pfunzo.

⁴⁹ Huno arali wa mañwalo, vhareri, vhashumeli, munna wa muya (a vhidzwaho nga u ralo), vhađodzwa, vho vha vha tshi do vhalo fhedzi Bivhili, vho vha vha tshi do vha vha sa mangali tshi no khou itea, vho vha vha tshi do ḫivha tshine Tsha vha tshone. Mudzimu u khou khunyeledza Ipfi Ławé!

⁵⁰ Ḫivhazwakale yo vha i tshi khou itwa, vhuporofita ho vha vhu tshi khou khunyelela. Tshidzo kha shango yo vha i tshi khou swika, duvha ljhulwane le vhaporofita vhothe vha sedza phanda khalo. Vhothe vhe vha vha vhe tshaloni vho vha vho lindela ilo duvha (njenne, zwi elekanyeni), vhothe vhe vha fa, vhothe vho lugaho vha malofha a vhafelalutendo na vhaporofita.

⁵¹ Zwine, U kha di bvou zhamba, “Yerusalem, Oo Yerusalem, iwe ane wa kanda muporofita muñwe na muñwe ane Nda u rumela, huno wa vhlaha vho lugaho, ndi kangana Ndi tshi do vha ndo u kuvhatedza sa phambo yo ita, khukhwana dzayo, fhedzi a wo ngo funa. Fhedzi zwino awara yau yo swika.”

⁵² Tshiñwe na tshiñwe tshe tsha vha tshi tshaloni, Abrahamu, Isaka, Yakobo, vhaporofita vhothe, vho vha vho lindela ino awara.

⁵³ Huno tshivhidzo tsho vha tsho swinga Khało. “Naa ndi nnyi uyu a no khou vhanga iyi phosho yothe? Naa uyo Muthu ndi nnyi?” Vho amba nga tshiñwe tshifhinga, “Naa uyo a si murwa wa muvhadi nga hangeno? Ri a Mu ḫivha. Naa O wanafhi uvhu vhuṭali? Mulandu, a ri Mu vhon e na vhuṭumani na tshiñwe tsha zwikolo zwashu. A ri ḫivhi dziñwe bugu dze A vhuaya a guda khadzo. Naa Ndi nnyi?”

⁵⁴ O vha e phindulo ya vhuporofita ha muporofita. Ngoyu U a da, o namela nwana wa donngi. Ndi tshi kokodzaho-de nandi! Mudzimu o vha a tshi khou khunyeledza Ipfi Ławé lo fulufhedziswaho, awara ye ya vha yo lindela u bva tsha miñwaha ya zwigidi zwiña. Kha Genesi, ndima ya 3 na ndimana ya 15, Mudzimu o bvumba, “Mbeu ya musadzi i do khudzula thoho ya ḥnowa, fhedzi thoho yayo i do khudzula tshirethe tshawe,” uvho vhuporofita u tsa fhasi kha Bivhili he ha bulwa malugana na u da ha uyu Munna.

⁵⁵ Huno fhano zwa zwenezwino ho vha hu na muporofita we a ima vhukati havho, uyo o vha o khwathisedzwa sa muporofita, Sakaria, huno a amba, zwauri, “Vho inwi vhananyana vha Yerusalem na vho inwi vhananyana vha Tsioni, pembelani, ḫavhani mukosi, zhambani, ngauri Khosi yanu i da kha vho inwi, yo vuđa huno i na vhulenda nahone i a ḫitukufhadza, yo namela nwana wa donngi.”

⁵⁶ Huno hafha avho vhatu vhe vha vhalo ulwo Luñwalo, duvha na ḫuvha, vho Mu sedzesza a tshi dzhena o namela, huno

vha vhidzelela, “Naa uyu ndi nnyi?” Ni a vhona? Mudzimu a tshi khou khunyeledza Ipfi Lawe kha vhathu vhe vha vho tea u vha vho divha zwe La vha li zwone, fhedzi a vho ngo Li divha.

⁵⁷ Musi Mudzimu a tshi khunyeledza Ipfi Lawe, tshifhinga tshothe Li vhanga tshi kokodzaho, tshifhinga tshothe li a ita. Li vhanga tshi kokodzaho, ngauri Ndi li si la misi. Ndi zwi si zwa misi nga maanda, musi A tshi khunyeledza Ipfi Lawe u ya nga budo la musalauno la duvha, ngauri budo la musalauno la duvha a li Li tendi. Vha na ndila yavho vhone vhañe.

⁵⁸ Zwino, ri a vhona, huno kha ri humele Mañwaloni huno ri dzhie zwiñwe zwiwo zwi si zwa misi, lwa miniti yo engedzeaho i si gathi fhedzi, musi Mudzimu o khunyeledza vhuporofita Hawe. Musi Mudzimu a tshi amba tshiñwe tshithu, U khou yo tshi ita. Mañadulu othe na lifhasi zwi do lovha, fhedzi ilo Ipfi li nga si lovhe na kathihi. Ngauralo nga misi Li vhanga vhupo, vhupo vhu si ha misi.

⁵⁹ Dzhielani nzhele uri zwi seisa hani uri Ipfi la Mudzimu kha vha—vhathu vha no tea u Li tenda, huno naho zwo ralo Ndi li si ja misi lune vha vhidzelela, “Zwo ralo, naa ndi mini itsi? Naa izwo zwithu no zwi wanafhi? Naa uyu ndi nnyi? Naa itsi ndi mini?”

Ngeno, vho tea u vha vha tshi khou zhamba, “Hosiana kha Khosi ine ya da nga Dzina la Murena!” Fhedzi ho vha hu tshi tou vha na tshigwada tshiñuku tshi no khou ita hezwo, tshigwada tshiñuku fhedzi.

Kha vhuporofita ha miñwaha ya zwigidi zwiñga, tshithu tshihulwane tshe tsha vha tshi tshi nga vhuya tsha bvelela kha lushaka, ngauri fulufhelo lothe la vhabu li Khało, vhumatshelo hothe vhu Khało; huno vhathu vha vhurereli, vhe vha qidzhia urı vha a Li tenda, vho vha vha tshi khou zhamba, “Naa Ndi nnyi? Naa itsi tshire tsha khou kokodza ndi tshini?” Tshiñwe tshithu tshi si tsha misi! Tshi ḥodou fana, tshi tou sa shanduka, zwino ndi tshi si tsha misi.

⁶⁰ Kha ri vhone zwiñwe zwa zwithu zwi si zwa misi, vhunga ndi kha di bvou tou amba. Naa tshe tsha vha tshi tshi kokodza tsho vha tshi tshini khathulo i sa athu rwa shango huno ya li tshinyadza nga mađi? Mukalaha, wa miñwaha i no ḥodou swika ya dafumbili, a tshi khou fhaṭa gungwa musi ho vha hu si na mađi a u li papamalisa. Henengei n̄tha lwa miñwaha, o ima muñangoni, a tshi khou fhaṭa nga ngomu, nga ngomu, huno a tshi khou li ḥodza qonžhe nga ngomu na nga nnđa, huno a ri, “Shango li khou yo milwa nga mađi,” tshikhathi tsha saintsí tshihulwane.

⁶¹ “Naa uho u diela ndi mini hangei muvhunduni?” “Mulandu, ndi mukalaha a re na dzina la Noaxe, huno u henengei n̄tha, mpengo wa kale. Mukalaha o ima duvhani lwa tshifhinga tshilapfu. O wa nga n̄thani ha mufhiso wa duvha. Thalukanyo yawe a i tsha shuma. Huno u khou fhaṭa tshire a tshi vhidza ‘gungwa,’ nahone a tshi khou ri mađi a khou ḥa

a tshi bva ngei nthā hune ha sa vhe na mađi, huno li khou yo papamalisa vhatħu vhoħe vha re u mona hoħe; huno muñwe na muñwe ane a sa pfe uyu mulaedza, na muñwe na muñwe ane a sa do dzhena kha iło gungwa, u khou yo nwela khotħe. Naa no no vhuya na pfa nga ha tshithu tshi no nga itsho?" Tsho vha tshi tshi kokodzaho tshi si tsha misi!

⁶² Ndi humbulela musi vhatħu vha tshi ḥoda tshiseo tshavħudi, vho ya huno vha ima phanda ha muñango wa gungwa huno vha sea. "Malandu, no ri i khou yo na miñwaha ya dana yo fħirah! Makhulu vha munna vho mmbudza uri vho ni pfa ngeno nthā ni tshi ri i khou yo na, huno ni kha di ombela u mona hoħe kha itshi tshipida tsha kale tsha thanda ngeno nthā. Ndi ngani ni sa lugia naa?"

⁶³ Fhedzi ho vha hu Mudzimu a tshi khou dilugisela u khwaħħisedza pfulufhedziso na u khunyeledza vhuporofita he muporofita Wawe a ita. Ndi zwi si zwa misi nga maanda! Mudzimu a tshi khou khunyeledza pfulufhedziso Yawe kħa Noaxe, musi vhañiwe vho vha tshi khou sea. Mudzimu nahone o vha a tshi khou dilugisela u ita qivhazwakale u sumbedza vhañiwe, u swika na kha lino ħuvha, uri U vhulunga Ipfi Ľawe! A hu londwi uri zwi vħonala zwi si zwa vhukuma hani, na u sa pfala, U kha di vhulunga Ipfi Ľawe. O vha a tshi khou zwi ita tsumbo, nga uyo mukalaha a tshi khou ombela kha iło gungwa, a tshi itela avha vhatħu fħano kha la Amerika madekwana a namusi na kha shango loħe. A hu londwi uri saints i ri mini, zwine vha amba, *itshi, itsho*, kana *tshinwe*, U kha di vhulunga Ipfi Ľawe. O vha a tshi khou ita qivhazwakale.

⁶⁴ Naa tsho vha tshi tshini tshi no kokodza liñwe ħuvha; tshithu tshi si tsha misi tsho bvelela murahu sogani, huno tsho vha tshi tshiṭaka tshe tsha vha tshi tshi khou swa. Huno muporofita a no khou shavha o vha o ima fhasi sogani. Ho ngo pfa ipfi na kathihi, ho ngo pfa mubvumo na kathihi, fħedzi o sedza huno a vħona tshithu tshi si tsha misi nthā ha thavha. Mudzimu o vha a tshi khou lingedza u kokodza tshenzhemu yawa. Zwi a fana na namusi!

⁶⁵ Mudzimu o vha a tshi khou dilugisela u khunyeledza Ipfi Ľawe, nga muporofita Wawe Abrahamu, "Mbeu yau i do džiilela shangoni lisili lwa miñwaha ya daina. Ndi do vha bvisa nga tshanda tsha maanda."

⁶⁶ Huno O vha a tshi khou lugisa munna u itela mushumo, vhunga O vha a tshi khou lugisa gungwa sa fhethu ha tsireledzo ha vhoħthe vha no do tenda. Mudzimu o ita uri itshi tshiṭaka tshi swe, huno uyu mulisa, Mushe, a ri, "Ndi do tou ya nga thungo u vħona uri itshi tshithu tħisili tshi ambani." Huno musi O isa Mushe kha tshiṭaka, A amba nae.

⁶⁷ Naa tshe tsha vha tshi tshi kokodza tsho vha tshi tshini ngavħuya holoni ya Pilato, musi uyu mulisa o posela lubaða

fhasi huno lwa shanduka lwa vha ḥnowa? Mudzimu a tshi khou khunyeledza pfulufhedziso Yawe kha Mushe. Naa tshe tsha vha tshi tshi kokodza tsho vha tshi tshini kha Lwanzhe lwo Faho, musi bere dla Farao dzothe dzo akhamala, musi dzo vhona maya u tshi tsela fhasi u tshi bva maṭadulu huno wa fhandekanya Lwanzhe Lutswuku u bva kha tsha u la u ya kha tsha monde; huno tshivhalonyana tsha vhashai tsha dziphuli, tshi tshi khou tshimbila mushumoni wa Mudzimu, tsha lu buda kha shango lo omaho? Naa tsho vha tshi tshini? Mudzimu a tshi khou vhulunga Ipfi Lawe. U fa ha ṭutshela kule, vhathu vha tshilaho vha pfuka; huno vhathu vho faho siani la maya vho lingedza u zwi edzisa, huno vha nwela khothe. Mudzimu a tshi khou khunyeledza vhuporofita nahone a tshi khou ita ḫivhazwakale. Itsho tsho vha tshi tshi kokodzaho kha Lwanzhe lwo Faho.

⁶⁸ Naa tshi no kokodza tsho vha tshi tshini nga ḫuvha li tevhelaho nga murahu ha izwo, kha Thavha ya Sinai, musi vhathu vhothe vho laiwa uri vha songo da kha vhabumakadzi vhavho, musi vho humbelwa u ṭanzwa zwiambaro zwavho nahone vha ḫikhetha, nahone vha kuvhangana u mona na thavha he munna a re na dzina la Mushe a vha o ri o ṭangana na Mudzimu e kha Khavhu ya Mulilo? Huno Mudzimu o vha o ri kha Mushe, “Ndi khou yo tsela fhasi vhukati ha vhathu. Ndi khou yo khwathisedza izwo zwe Nda u vhudza, na uri Ndi Nnyi. Ndi khou yo vha sumbedza uri Ndi nne uyo Mudzimu.” Itsho tsho vha tshi tshi no kokodza, Mudzimu a tshi khou khunyeledza Ipfi Lawe.

⁶⁹ Naa tshe tsha vha tshi tshi kokodza tsho vha tshi tshini nga liñwe ḫuvha kha ḫivhazwakale, he lushaka lwa vha lwo hangwa Mudzimu, he vhathu vha vho no vha vha maitele nahone vha si na dzangalelo, he vhotshifhe vhothe vha vha vho no ya na budo la musalauno, vhaporofita vho porofita u ya nga lufuno lwa vhotshifhe? Huno nga iļo ḫuvha, sa misi, vho vha vhe na munna muthihi we vha elekanya uri ndi wa vhusweleli ho kalulaho. O amba nga ha vhasadzi vha tshi ambara pennde, na tshiñwe na tshiñwe, huno o vha a tshi nga ndi muthu o pambuwaho. Huno uyu muthu wa kale o tsela fhasi huno a ri kha khosi, “Na ḫwando a u khou yo vhidza . . . yo da u swika ndi tshi u vhidza.”

⁷⁰ Huno ri a wanulusa, zwenezwo, zwauri o vha o didzumba nahone a u shavha, huno a dzumbama hñiwe fhethu sogani. Khamphani yo elekanya uri khamusi o sika nga ndala kana o lovha; fhedzi o kanzwiwa zwavhuđi nga maanda, huno a ḫewa mađi, na one-vho. Huno o vha e hafha, a tsela fhasi huno a ri, “Naa ni a vhona uri ndi na U RALO MURENA? Zwino, arali ni sa athu tenda, kha ri ye n̄tha ha thavha huno ri sumbedze uri Mudzimu ndi nnyi,” ngauri o vha o no vha na liñwe bono li bvaho ha Murena.

⁷¹ A ri, “Nangani a—alitari, huno ni i ite, huno—huno ni nange phulu nahone ni dzi vhulahe. Ndi do ita alitari ya Murena, nahone ndi do vhea phulu kha yanga. Rothe ri do

ita tshithavhelo, huno ra tendela Mudzimu a re Mudzimu u fhindula.” O vha a tshi do vha a songo zwi ita na luthihi izwo arali Murena o vha a tshi do vha a songo mu vhudza; o amba nga u ralo ngavhuya, “Ndo ita izwi u ya...izwi zweṭhe, u ya nga ndaela Yau, Murena.”

⁷² Fhedzi ndi tshini tshine tsha kokodza? U na vhotshifhe vha daina vho imaho muvhunduni, na khosi henengei ntha goloini yawe, i na zwitħavħani zwayo zweṭhe na vhalindi vho ima u mona hoṭhe. Huno uyu mukalaha, a tshi nga wuļu, a vħonalah e na tshifha tuwo tshi sa vħonali zwavħudi, e na phanda, huno mavhudzi a tshi nembelela kha tshifha tuwo tshawe, o pombwa nga tshipiða tsha mukumba wa nngu, na mavhudzi e muvhilini wawē woṭhe, o ima heneħfaļa e na lubada tħandani tshawe, na tħitemba tsha mapfura kha tshiñwe tħand; we a amba fħedzi, miñwaha miraru na hafu phanda ha hezwo, “Na īnwando u nga si we u swika ndi tshi vhidza khawo, u u vhidza,” a tshi khou dzhia fħethu ha Mudzimu, e na zwithu zwi no nga zvitendeledzi na mirunzi, na zweṭhe zwine vha amba nga hazzo. “Huno hafha uyo wa vħuswelel ho kalulaho wa kale o ima ngei nħa ha muvhundu, a tshi khou qisa avha vħathu vhoṭhe ngei nħa.” Naa itsho tshe tsha vha tshi tshi kokodza tħo vha tshi tħin? Tħo vha tshi Mudzimu a tshi khou todou khwathisedza muporofita Wawē uri o luga. Tħo vha tshi Mudzimu a tshi khou khunyeledza vħuporofita. Mudzimu na ene a tshi khou ita divhazwakale, a tshi khou khunyeledza Ipfi.

⁷³ Miñwaha i si gathi ya madana nga murahu ha hezwo, ho vha hu na munna o doliswaho nga wonoyo Muya muthihi, huno u bva sogani, a songo tumana na mañwe madzangano-vho; naho khotsi awe vho vha vhe munna wa dzangano, tħifhe wa nzudzanyo. Fħedzi u bva sogani, o divhofha nga mukumba wa nngu, mavhudzi e kha tshifha tuwo tshawe tħoṭhe. Vhudżuloni ha u vha matshena, o vha e matswu. Naa tħine tsha kokodza tħa uyu munna tħo vha tshi tħin tħe tħa kokodza Yerusalema woṭhe na Judea? Vħańwe vħavho vha tshi bva huno vho ri, “Hu na munna wa vħuhali hangei fhasi. U khou lingedza u nwelisa vħathu kħothe madini. Naa ndi nnyi we a vħuya a pfa nga ha tħithu tħo raloh?”

⁷⁴ Vħańwe vho ɬodou diħxa, huno vha ri, “Uyu u fanelha u vha e Mesia.” Muńwe wawho a ri, “Hu nga di vha muńwe wa vħaprorofita.” A vho ngo diħxa uri vha nga elekanyani. Fħedzi ho vha hu mini? Ho vha hu Mudzimu a tshi khou khunyeledza Yesaya 40, he A ri, “Vħonani...” zwine A do ita maduvħani a u fħedzisela, uri U do rumela hani mulanda Wawē na zwine A do ita.

⁷⁵ Zwenezwo ri wana, vhege dzi si gathi nga murahu ha hezwo, uyo munna a kholwa nga maända mulaedza wawē, u swika a tshi ri, “Hu na Muńwe o imaho vħukati hanu, Ane

zwienda zwawe nda si fanele u zwi hwala. U do ni lovhedza nga Muya Mukhethwa na Mulilo, vhunga nne ndo lovhedza nga madi.”

⁷⁶ Liñwe duvha Munna zwawe, muswa, wa miñwaha i no todou swika furaru, a tsela fhasi huno a lovhedzwa. Huno musi uyu Munna a tshi da, ho vha hu na tshi no kokodza tshihulwane nga muporofita, muporofita o difara nga ndila isili nga ilo duvha. Tshivhidzo a tsho ngo litsha u sedzesha nyito ya uyo muporofita musi a tshi khou hanedzana na vhotshifhe seli ha mulambo.

⁷⁷ Vho ri, “Mudzimu o fhaña iyi alitari. Mudzimu o ri vhudza uri ri ite hezwi. Mushe ndi muporofita. Ri tenda Mushe. Tshiñthavhelo tshi nga si do fheliswa na kathihi.”

⁷⁸ Ndi kona u pfa Yohane a tshi fhindula, a ri, “Naa a no ngo vhala Luniwaloni zwe Daniele muporofita a ri, ‘Tshiñthavhelo tsha duvha na duvha tshi do fheliswa?’ Huno iyo awara yo swika! Naa a no ngo vhala zwe Yesaya a amba kha ndima ya 40, ‘Ipfi la muñwe a no khou huwelela sogani, lugisani ndila ya Murena?’ Hu na zwiporofito zwivhili zwanga. Huno tshiñwe tshithu, naa a no ngo limuwa muporofita washu miriñwaha ya daina yo fhiraho, Maleaxi, musi a tshi amba kha ndima ya 3 huno a ri, ‘Vhonani, Ndi ruma mudinda Wanga phanda ha tshifhañu Tshanga, u lugisa ndila?’ Naa a ni divhi uri izwi zwi khunyeledza vhuporofita?” Vhuporofita ho vha vhu tshi khou khunyelela!

⁷⁹ Huno tshifhinga itscho tshi tshi todou swika muporofita a rembuluwa huno a ri, “Vhonani, hu da Ngwana ya Mudzimu i no dzhia tshivhi tsha shango!” Zwino tshine tsha khou kokodza ndi tshini? Tsho shanduka u bva kha muporofita u ya kha vhuporofita hawé.

⁸⁰ Zwino dzhielani nzhele zwine zwa khunyelela. Hafha hu da Munna zwawe, a sa dihwi nga muñwe, murwa wa muvhadi, u da a tshi tshimbila a tshi bva madini. Musi Yohane, muporofita muhulwane, o ri, “Ndi tea u lovhedzwa nga Iwe. Ndi ngani U tshi da kha nne?”

⁸¹ A ri, “Litsha izwo zwi tshi vha nga u ralo. Fhedzi, sa muporofita na Ipfi, zwo ri fanelu u khunyeledza u luga hothe.”

⁸² Ngauralo a pfesesa uri Tshiñthavhelo tsho do tea u tanzwiwa tshi sa athu nekedzwa, huno a Mu lovhedza.

⁸³ Zwino hu na tshiñwe tshine tsha khou kokodza musi O no bva madini. Uyu muporofita we a fulufhedzea nga maanda u divhadza itshi tshikhathi na tshifhinga, a sedza nthia huno a vhona matañulu o vulea. A vhona Muya wa Mudzimu, vhunga liivha, u tshi tsela Khae, na Ipfi li tshi ri, “Uyu ndi Murwa Wanga a funwaho Ane Nda mu takalela.” Mudzimu o vha a tshi khou khwathisedza mulaedza wa muporofita, tshe tsha vha tshi tshi khou kokodza tshenzhemo ngei Yorodane.

⁸⁴ Mukomana o imba tshifhinganyana tsho fhiraho, kana o vha a tshi khou tea u imba, “Mivhunduni kule-kule ho ima

tshifhambano tsha kale tshi hwasaho.” Ndi tshini tshine tsha khou kokodza kha Thavha ya Khalivari? Musi ri tshi vhona uri shango la vhurereli lo Mu haṭula, huno muvhuso wa Roma wo Mu haṭulela lufu. Huno hafha O vha a tshi khou nembelela vhukati ha vhatshinyi vhavhili, a tshi khou sika a tshi ṭoda tshinwiwa, Malofha a tshi khou bva nga u gidima muvhilini Wawe. Ngoyo O nembelela, a tshi khou vhidzelela, “Mudzimu Wanga, Mudzimu Wanga, ndi ngani Wo N̄utshela?” Huno vhatu vha vhurereli vho ima henehfo, vho zwi sedza, vho divha zwiṭuku uri vhuporofita ha Testamente Ndala ho vha vhu tshi khou khunyelela henehafho kha Khalivari nga itsho tshifhinga.

⁸⁵ Dafita ene muṇe o riwala, ita... a dzhena Muyani vhunga vhaporofita vhoṭhe, a ita vhunga ho vha hu ene. Dafita o vhidzelela, kha Phisalema ya 22, “Mudzimu Wanga, Mudzimu Wanga, ndi ngani Wo N̄utshela? Marambo Anga oṭhe a a Nndavhelesa. Vho runga zwanda Zwanga na milenzhe Yanga.” Dafita, a tshi khou amba vhunga ho vha hu ene. Huno ho vha hu si Dafita, ho vha hu Kristo kha Dafita.

⁸⁶ Huno hafha vhuporofita honoho he ha bva, ha vhaporofita vhoṭhe vho fhambanaho, ho vha vhu tshi khou khunyelela kha Thavha ya Khalivari. Ndi tshini tshine tsha khou kokodza kha Thavha ya Khalivari? Mudzimu a tshi khou khunyeledza Ipfī Lawe.

⁸⁷ Tshiñwe tshine tsha khou kokodza tsho vha tshi thavhani, tsho vha tshi nga Duvha la Pentekoste, musi avho vhoṭhe vho vha vhe ngei n̄tha munyanyani wa vhurereli, vho elekanya uri a vha tshe na vha vhusweleli ho kalulaho vhoṭhe. A vha athu pfa zwi bvaho khavho lwa mađuvha a fumi. Nga kathihi fhedzi, vhunga ḥango, vha kwasha nga n̄tha ha tshifhaṭo, vha bva vha dzhena ngomu zwiṭaraṭani, vha tshi khou zhamba nahone vha tshi khou bvela phanda.

⁸⁸ “Naa ndi mini izwi? Naa zwi ambani izwi? Naa avha vhanna vhoṭhe vho kambiwa?”

⁸⁹ Sedzesani! Huno muporofita a ima vhukati havho, vhunga nzudzanyo ya muporofita i tshi tea u vha zwone, huno a ri, “Inwi vhanna vha Israele, na vhoinwi vhane na dzula Yudea, Yerusalem, i ri ni izwi zwi divhee kha inwi, nahone thetšelesani maipfi anga. Avha a vho ngo kambiwa vhunga ni tshi elekanya uri vho ralo. Fhedzi izwi ndi zwe zwa ambiwa nga Murena nga kha Yoele, muporofita, ‘Zwi do khunyelela mađuvhani a u fhedzisela, Ndi do shulula Muya Wanga kha n̄ama yоṭhe.’” Itsho tsho vha tshi tshine tsha khou kokodza.

⁹⁰ Vhatu vha vhurereli, nga murahu ha u vhamba Mukololo wa Vhutshilo, na tshiñwe na tshiñwe, nangwe zwe ralo a vho ngo vhona pfulufhedziso ya u ḫa ha Muya Mukhethwa. Tshine tsha khou kokodza, “Naa uyu ndi nnyi? Naa izwi zwi ambani? Naa thaidzo ndi mini nga avho vhatu?”

⁹¹ Yawee, nñenñe! Zwi a fana na ñamusi. Ri ðo fhira zwinzhi zwa hezwi u zwi ðisa kha ino awara. Zwenezwo zwithihi ndi ñamusi. Zwenezwo zwithihi zwi khou itea. Mbudziso yeneyo nthihi i khou vhudziswa. “Naa iyo phosho yoþe ndi mini?” Sedzani ntha na fhasi tshiþaraþani, mimoðoro i bvaho Michigan u ya Florida, u bva Maine u ya California. Matsheloni ano musi ndi tshi bva ndo namela, kana zwenezwo nga murahu ha masiari, ro vha ri tshi khou tsa nga tshiþaraþa, nne na mufumakadzi ro vha ri tshi khou sedza dzilaisentsi kha mimoðoro. Afho ndi he nda elekanya nga ha ilí liñwalwa.

“Naa izwi zwi ambani?”

⁹² Vhunga Lo tou ri, “Hune Mutumbu wa vha hone, heneffho magoni a ðo kuvhangana.”

⁹³ Nda ri kha mufumakadzi wanga, “Mufunwa, ni a elelwa vhusiku ha u fhedza musi ndi tshi ðo tea uri salani zwavhuði kha tshiñwe na tshiñwe tshe tsha vha tshi tshi funwaho kha nne kha liphasi, huno nda ya masimuni u thoma tshiñwe tshithu tshe Mudzimu a vha o amba uri tshi itwe? Inwi no imba ulwo luimbo.”

Oo, vha bva Vhubvaduvha na Vhubvaduvha,
 Vha bva mashangoni a kule,
 U diphina na Khosi yashu, u switula sa mueni
 Wayo;
 Vho fhaþutshedzea hani avha vhafhiri!
 Vha tshi khou vhaba tshifhaþuwo Tshawe
 tshikhethwa
 Tshi tshi penya nga lufuno Lukhethwa;
 Vho fhaþutshedzwaho vha re na mukovhe wa
 tshilidzi Tshawe,
 Sa matombo khareni Yawe vha do penya.

⁹⁴ Izwo ndi zwine tshine tsha khou kokodza tsha vha tshone. Mbeu ya Mudzimu yo tiwaho ine i nga si ite tshiñwe tshithu-vho nga nnða ha u Li tevhela, i amba zwo engedzeaho u fhira vhutshilo kha riñe. Dzhiani vhutshilo hashu, fhedzi Ilo a ni li dzhii. Naa ndi tshini tshine tsha khou kokodza? Mudzimu, sa misi, a tshi khou khunyeledza Ipfi Lawe. U khou khunyeledza Ipfi la Sakaria hafhu, la muporofita Sakaria.

⁹⁵ He nda vhabala ndimana ya 9 tshifhinganyana tsho fhiraho, musi Yesu o dzhena thembeleni Yawe, o namela... kana o dzhena Yerusalem, o namela donngi ðukhu, tshena, vhuporofita ho khunyelela he Sakaria a amba. Ngovhu hafha, “Takalani zwiþulwane, Oo vhananyana vha Tsioni. Ðavhani mukosi, Oo vhananyana vha Yerusalem. Vhonani, Khosi yanu i khou ða kha inwi; O luga, huno u na tshidzo; e wa fhasi, o namela donngi, na kha donngana ñwana wa donngi.” Izwo ndi zwe tshine tsha khou kokodza tsha vha tshi zwone ngei Yerusalem, ngei ofisini khulwane ya vhurereli.

⁹⁶ Zwino ri vhona tshiitea tsha ḫuvha-la-u-fhedzisela! Kha ri vule zwashu masiaṭari a si gathi, kha Sakaria, huno ri vhone zwe a amba nga hazwo. Kha ri vule nga hangei-ha u itela mađuvha a u fhedzisela. Itsho tsho vha tshi tshikhathi tsha vhukati; kha ri vule zwino kha mađuvha a u fhedzisela. Huno vulani kha Sakaria, ndima ya 14, nahone ri tshi thoma nga ndimana ya 4. Huno thetshelesani! Huno ri khou yo vhala tshipida tsha Luñwalo, ndimana dzi no ḫodou swika ṭahe, u bva kha ya 4 u swika kha ya 9. Thetshelesani zwavhuđi. Huno lu khou porofita nga ha U Da Hawe, mađuvhani a u fhedzisela. Thetshelesani zwavhuđi zwino. Ili ndi U RALO MURENA. Ndi Mañwalo, Sakaria 14. Ni a elelwa Sakaria 9, zwe Ya amba? Huno a vho ngo Li limuwa. Zwino ndi mini ḫamusi? Sakaria 14, i tshi amba nga ha U Da Hawe.

Huno nga iļo ḫuvha milenzhe yawe i do ima kha thavha ya Miñwari, hafhu, ine ya vha phanda ha Yerusalem vhubvaduvha, kha thavha ya Miñwari hu do fhanduwa nga vhukati ha livha vhubvaduvha nahone ha livha vhukovhela, huno hu do vha na govha līhuluhulu; . . . hafu ya thavha i do redzemuwa ya livha devhula, huno hafu . . . ya livha tshipembe.

Huno ni do shavhela govhani ja dzithavha; ngauri govhā ja dzithavha li do swika ngei Atsele: iina, ni do shavha, vhunga zwila ni tshi shavha mađuvhani a mudzinginyo mađuvhani a Usia ene khosi ya Ÿuda: . . .

⁹⁷ Muñwe mudzinginyo u tshi fhandula lifhasi! Arali ni tshi khou ḫodou tevhelela Luñwalo hafha, dzhielani nzhele kha iyi ndimana ya 5, i amba uri u fhanduwa ha Thayha ya Miñwari ho vha hone nga ḫthani ha mudzinginyo, huno izwi zwi khwaṭhisizedza nga Yesaya 29:6 na Nzumbululo 16:9. Kokotolo! Naa ndi mini? Muporofita onoyo muthihi o ambaho nga ha u da Hawe ha u thoma, o vhona U Da Hawe ha vhuvhili. Dzhielani nzhele, “Vhunga mađuvhani a mudzinginyo.” Ni a vhona zwine midzinginyo ya khou ita? Ni a vhona u buliwa hayo?

. . . huno MURENA Mudzimu wañu u do da, huno vkhethwa vhaweho vhothe vhe na iwe.

Huno zwi do khunyelela nga iļo ḫuvha, (haleluya) nga iļo ḫuvha, uri tshedza a tshi nga do vħonala zwavhuđi, kana ha swifhala:

Fhedzi hu do vha ḫuvha lithihi kha . . . ḫuvha lithihi line la do divħea kha MURENA, hu si ḫuvha, kana vħusiku: fhedzi zwi do da zwa khunyelela, zwauri nga tshifhinga tsha madekwana hu do vha tshedza. (Oo Mudzimu!)

⁹⁸ “Hu do vha Tshedza tshifhinga tsha madekwana tshi tsini,” muporofita onoyo muthihi. Huno vhathu ndi mabofu! Naa ndi tshini tshire tsha khou kokodza? Kha ri vhale dziñe ndimana dzo engedzeaho.

Huno zwi do itea nga ilo duvha, zwauri one mađi a tshilaho a do bva a tshi bva Yerusalem; hafu yao ya livha lwanzeni lwa u ranga, huno hafu...ya livha lwanzeni lwa murahu: kha tshone tshilimo na... vhuriha zwi do ralo. (Mafhungo-mađifha a tshi bva; Muyuda na Wannđa vhuvhili havho.)

Huno MURENA u do vha khosi kha...lifhasi: nga ilo duvha, huno hu do vha na MURENA muthihi, nahone dzina lawe li do vha lithihi.

Hu do vha Tshedza tshifhinga tsha madekwana tsho no vha tsini, (ndi zwone) Ndila i yaho Vhugalani ngangoho ni do i wana;
 Kha ndila ya mađi ndi Tshedza namusi,
 No swītwa Dzinani la Yesu lawhudi.
 Vhaswa na vhaaluwa, shandukani kha zwivhi zwanu zweothe,
 Muya Mukhethwa ngangoho u do dzhena;
 Tshedza tsha madekwana tsho da,
 Ndi mbuno zwauri Mudzimu na Kristo vha Muthihi.

Ni a vhona hune ra vha hone?

Tshakha dzi khou kwashekana, Israele u khou karuwa,
 Zwiga zwe vhaporofita vhashu vha bvumba;
 (uyo mudzinginyo kha Vhannda u ya kha duvha la u fhedzisela)
 Mađuvha a Vhannda o vhalwa, o hwala zwi ofhisaho;
 Vhuyani, Oo no balanganaho, kha vhañu.

⁹⁹ Inwi no rahelwaho nnda, na idzi mbulungelo dzo hwalwaho nga dzigariki ntswa, ibvani heneffo lufu lu sa athu ni rwa. Mudzimu o Li khwathisedza. Zwi do vha nga u ralo.

¹⁰⁰ Kha ri ye kha luñwe Luñwalo kha Testamente Ndala, Maleaxi ndima ya 4, huno ri vhale iyo ndima thukhu ya 4.

...vhonani, duvha li a da, li no do fhisa sa nando; huno vhothe vhadzia-u-dihudza, iina,...vhothe vha no ita vhuvhi, vha do nga mavhivhi:...

¹⁰¹ Zwino, iyi a si...Iyo ndi Maleaxi 3, ho vha hu u da ha u thoma, zwino ngohu u da hu tevhelaho. Na Dokotela Scofield hafha, zwa vhukuma a thi tendelani nae kha notsi dzawe dzi re fhasi kha siatari, fhedzi o dzi dubekanya hafha nnda nga ndila yone. “Ndaela ya Yohane,” kha Maleaxi 3; na, “U Da ha Kristo lwa vhuvhili,” na Eliya tshifhinga tshi sa athu swika. Zwo luga.

...vhothe vhadzia-u-dihudza vha do swa, *u ralo MURENA wa mavhuthu*, huno *li nga si sie mudzi kana davhi lavho*. (Naa vhudzulavhafu ha “U Ya Nga Hu Sa Pheli” vhu ngafhi-ha?)

Fhedzi kha vhoiñwi vhane na ofha dzina langa Duvha la u luga li do ni tavhela li na khunguwedzo dza phodzo, phodzo phaphani dzalo; . . . ni do bva, na khana; sa ñamana dza dangani.

Huno ni do kandekanya vhavhi; . . . vha do vha milora fhasi ha ñayo dza milenzhe yanu nga ilo duvha line Nda do ita hezwi, u ralo MURENA wa mavhuthu.

Elelwani . . . mulayo wa Mushe mulanda wanga, we nda laya . . . ene ngei Horebe u itela Israele yoþhe, . . . milayo na khaþhulo.

¹⁰² Asuhu u ða ha Eliya.

Vhonani, Ndi ðo rumela muporofita Eliya kha inwi . . .

¹⁰³ Luñwalo lwa u fhedza lwa u vala lwa Testamente Ndala!

...Ndi ðo rumela muporofita Eliya kha inwi hu sa athu ða ilo duvha lihulwane li ofhisaho la MURENA:

¹⁰⁴ Zwino, uyo a nga si vhe o vha Yohane. Hai. Ni a vhona, shango a lo ngo fhiswa nahone vho lugaho a vho ngo tshimbila ñtha ha vhavhi. Ni a vhona? Hai, hai.

...hu sa athu ða duvha lihulwane li ofhisaho la MURENA:

Huno u do rembulusa mbilu dza vhokhotsi uri dzi ye kha vhana, na mbilu dza vhana uri dzi ye kha vhona vhokhotsi, uri Ndi sa ðo da nda rwa liphasi nga samba.

¹⁰⁵ Dzhielani nzhele vhuronwane ha Muya Mukhethwa, uri U nga si vilinganye uho u ða huvhili ha Eliya. Maleaxi 3, yo ri, “Vhonani, Ndi ruma muðinda Wanga phanda ha tshifhaþuwo Tshanga.” Yesu o vhudziswa nga ha Yohane; O ri, “Arali izwi ni tshi nga zwi tanganedza, uyu ndi we muporofita a mu amba, ‘Ndi ðo ruma muðinda Wanga phanda ha tshifhaþuwo Tshanga.’ Uyu ndi Eliasi we a vha a tshi khou tea u ða.” Maleaxi 3.

¹⁰⁶ Dzhielani nzhele uri Luñwalo lu zwi ñea nga vhuronwane nga maanda. Sedzesani zwine izwi . . . u sumbedza . . . avho vha no ðodou tenda, avho vha no ðodou vhona. Elelwani, Yesu a tshi ima vhukati ha Luñwalo, ngauri tshipida tshazwo tsho khunyelela tshifhingani itsho, zwo salaho ndi zwa U Da Hawe ha vhuvhili? “U rera ñwaha wa Murena u tanganedzeaho, u fhodz vho vundeaho dzimbilu,” huno a ima; hu si “u ðisa khaþhulo kha Wannda” u swika U Ða Hawe ha vhuvhili.

¹⁰⁷ Dzhielani nzhele uri ulu Luñwalo lu andana na holwo. “Huno ene, Eliya, u do rembulusa mbilu dza vhokhotsi uri dzi livhe kha vhana.” (Zwino i khou amba nga ha Maleaxi

4, ni songo dzi ḥanganyisa, kana Maleaxi 3.) Yohane, Eliya, we a da mađuvhani a musi Kristo a sa athu da lwa u thoma, a rembulusa mbilu dza vhomakhulukuku uri dzi livhe kha mulaedza wa vhana, mulaedza muswa.

¹⁰⁸ Zwino sedzesani. “Na mbilu dza vhana uri dzi livhe kha vhokhotsi.” Kha u da hawe lwa vhuvhili, mađuvhani a u fhedzisela, u humela murahu kha Lutendo lwa vhaapostola hafhu. Ni a vhona uri Mañwalo a tevhekana hani nga ndila yo fhelelaho?

¹⁰⁹ Ayo o vha e magumo a Testamente Ndala, Testamente Ndala. Zwino ri a vhona uri hu na Tshedza tshifhingani tsha madekwana. Naa Ndi mini? Ndi ḥodzi, Thavha ya ḥodzi-ya-muri.

¹¹⁰ Vhunga ndo amba matsheloni ano, ro fhira nga kha dzidinomineisheni, nga kha (hu si muswiri) vhunga zwe nda amba nga ha izwi matsheloni ano, fhedzi ro vha ri na bambahosi, zwikavhvavhe, tshakha dzothe dza zwiñe zwithu zwe zwa vha zwi sa fani na mathomoni na luthihi. Fhedzi nga murahu... Ni songo Li pfela thungo. Ngeli Li a da. Nga murahu ha musi dinomineisheni dzothe dzo no tamba, tsha u tou thoma a vho ngo vha na tshiñe Tshedza, hu do vha na ḫuvha line li nga si vhidzwe masiari kana vhusiku.

¹¹¹ Naa vha khou itani? Naa vha khou itani? Naa tshi-tshikavhvavhe tshi itani kha muswiri? Tshi dzhia vbutshilo ha mathomo ha swiri li no khou aluwa huno tsha vhu shanda nga tshikavhvavhe. Izwo ndi zwe dinomineisheni dza ita kha Ipfi la Mudzimu, dzo ita Ipfi la Mudzimu uri li sa vhe na mveelwa nga maitele avho. Ilo ndi U RALO MUYA WA MURENA. Dzo aŋwa zwikavhvavhe, mabambahosi, hu si maswiri.

¹¹² Fhedzi muporofita o ri mini? Onoyo muthihi we a amba kha liñwalwa lashu madekwana a ñamusi, “Pembelani, Oo vhananyana vha Yerusalem, t̄avhesani mukosi, vhananyana vha Tsioni, ngauri Khosi yanu i khou da kha inwi, yo vuda nahone ndi ya phasi, yo dzula kha ñwana wā donngi,” dzhielani nzhele uri onoyo muporofita muthihi o ri, “Hu do da tshifhinga tsha u vhibva.” ḫuvha li rumelwa kha lifhasi u vhibvisa mutshelo. Naa ndi ngani u songo vhibva? A hu na mutshelo heneffo une wa tea u vhibviswa. Fhedzi Vbutshilo vhu kha di enda.

¹¹³ Vhu da nga kha bambahosi, u vha swiri, ha wanulusa uri ho dzudzanya; ho vha hu bambahosi. Ho tuwa hafhu, ha bva nga itsho tshifhinga vhu tshikavhvavhe. Ha tuwa hafhu, ha shandukela kha tshiñe tshithu-vho. Huno phedziselon, thodzi ya muri, tsho no shandukela kha thangelo, ine ya vha hafu swiri, hafu tshikavhvavhe; lushaka lwo ḥanganywaho, tshithu tsho shandeaho; tshi da kha u shande, tshi tshi khou tshila nga zwa muri wonoyo muthihi; ganda, “zwa ḥodou fhura Vhanangiwa.” Li nga swiri, fhedzi a si lone.

¹¹⁴ “Fhedzi hu do vha Tshedza,” musi tshi tshi aluwa tsha fhira dzangano. Musi tshi tshi fhira dzangano, tshi a fhufhuma hafhu, huno tshi do aŋwa maswiri vhunga zwe tsha vha tshi zwone musi tshi tshi dzhena mavuni, huno zwenezwo hu do vha Tshedza.

¹¹⁵ Naa itshi tshine tsha khou kokodza ndi tshini; naa hu khou bvelelani? Hu khou khunyelela Ipfi la Mudzimu. Hu na thanzi mbili dza Testamente Ndala, dza uri izwi zwi do bvelela.

¹¹⁶ Kha ri dzhie Yohane 14:12, ya Testamente Ntswa, Yesu o amba.

...Ane a tenda kha nne, mishumo ine Nda ita na ene
u do ita-vho;...

¹¹⁷ Nahone, kha Luka 17:22 u swika 30, O amba.

Sa zwe zwa vha zwi zwone mađuvhani a Loto, Sodoma u sa athu, fhiswa, zwi do ralo kha u vhuya ha Murwa-muthu, ilo ḫuvha musi Murwa-muthu a tshi khou dzumbululwa.

¹¹⁸ Oo, itonu sedza Maňwalo! “Murwa-muthu,” Yesu Kristo a sa shanduki mulovha, namusi, na lini na lini, o aluwa a fhira dzidinomineisheni, o alutshela ngomu ha ḫhodzi ya Muri. Naa O ri mini kha Yohane 14, kana 15? “Davhi linwe na linwe li re kha Nne, line la sa aŋwe mutshelo, li do tumulwa nahone la khwathelwa, la poselwa muliloni huno la fhiswa. Fhedzi davhi linwe na linwe line la do aŋwa mutshelo, li do ḫanzwiwa.

¹¹⁹ Oo, hu do vha na mvula ya tseula na ya tsinya-mađanga maduvhani a u fhedzisela kha itshe tshigwada tshifuku tshi no da Nae e kha iyi donngana, e wa fhasi na u ḫitukufhadza, hu si na don-...kana dinomineisheni, tshi tshi khou vhidzelela, “Hosiana kha Khosi i no da nga Dzina la Murena!” Naa thaidzo ndi mini namusi? Naa ndi tshini tshine tsha khou kokodza thavhani?

¹²⁰ A si kale-kale, ndo ima kha iyi phuluphithi, zwa ambiwa nga Muya Mukhethwa, “Duvha li do da la musi vha tshi do gwela thanda phanda ha nn̄du yanu; vha do sudzulusa khoro yanu. Ngauralo, izwo, ni do zwi fhira, na si sinyuwe.” Ndo vhona khoro yanga yo vundekanywa nahone i nn̄da muvhunduni. Ndo vhona muvhundu phanda hanga, wo gwiwa wothe, dzibodo na zwithu zwi henefho he tshiñwe tshithu tsha u kwashekanya. A ri...

Nda sedza, huno ho vha hu na Ricky muđuku we a swika henefho huno a rwa iyo khoro ya bva, o zwi ita izwi. Nda ri, “Ndi ngani ni songo mmbudza?” O ḫiita o thanyaho kha nne, huno nda tea u mu rwa. Huno musi zwo ita, nda ri, “A tho ngo ita hezwi tshi bva tshe nda vha kha rinngi, fhedzi ndi khou tou ḫoda inwi ni tshi ḫivha,” huno nda mu nea nthihi. Huno musi ndo no mu rwa a wela fhasi, nda mu doba hafhu huno nda mu rwa a wela fhasi hafhu. Nda mu doba hafhu, luraru kana

luna, zwenezwo nda mu rwa a pfuka muvhundu. Ngauralo nda ya henengei, huno nda ri, "Izwo a si zwone." Huno nda mu doba nahone nda khada zwanda zwawe, nda ri, "A tho ngo ni sinyutshela, fhedzi ndi khou tou ḥoda ni tshi ḫivha uri ni nga si ambe na nne nga u ralo."

Huno zwenezwo musi ndo no rembuluwa nahone ndo no vhuya, Muya Mukhethwa wo vha wo ima henefho khoroni, ha pfi, "Zwino fhira heyi. Musi iyo thanda yo gweliwa, khonela vhukovhela."

Iyi Bugu, tshiñwe na tshiñwe tshine nda ḥoda,
 Iyi Bugu ndi Risipi yavhuđi,
 Ndila ine ya sumbedza u mona vhuleme
 ḥanga.
 Amene!

¹²¹ Huno iyo Bugu ndi Ipfi, huno iļo Ipfi ndi Mudzimu. Fhirani vhuleme hañu, Li ḥo ni vhudza zwine na tea u ita.

¹²² Miñwaha yo fhiraho ndo pfa khonani yanga, mutanduli wa muđi, u dzula phasi ha tshiñtarata u bva kha nne, a tshi khou gwela thanda phasi. Nda bva henefho huno nda ri, "Naa thaidzo ndi mini, Mud?" Murwa wa Vho-King, khonani yanga ya mbiluni.

Ha pfi, "Billy, vha khou yo aṭamisa iyi ndila."

¹²³ Nothe ni a elelwa. Nda ri, "Hu nga kha ḫi vha boroho." Nda vhudza Mukomana Woods, nda ri, "Farani ndaka yañu. Khamusi iļo boroho li khou ḥo fhira hafha n̄ha, tshiñwe tshithu." Tshiñtarata tsho vha tsho kherukana; zwidina, matombo, o poselwa kha tshiñwe na tshiñwe. Ngauralo a ri... nda ri, "Farani ndaka yañu." Zwenezwo musi ndi...

Vho-King vha mmbudza uri izwo zwi khou ḥo bvelela.

¹²⁴ Nda dzhena, nda amba na mufumakadzi wanga o dzulaho henefho, "Mufunwa, hu na tshiñwe tshithu tsho ḥwalwaho nga ha hezwo. Ndi U RALO MURENA, huñwe fhethu."

¹²⁵ Nda dzhena huno nda wana bugu yanga, nda sedza ngomu hayo, huno ya ri, "Zwi ḥo khunyelela..." Nga murahu ha miñwaha ya malo!

¹²⁶ Zwenezwo musi ndo no i sedza, nda ri, "Ndi tshifhinga zwino, mufunwa, ri fanela u ya vhukovhela."

¹²⁷ Mađuvha mavhili nga murahu ha hezwo, ndo ima lufherani i tshi ḥodou rwa awara ya fumi n̄ha ha tshithoma nga mañwe matsheloni, nda dzhena Muyani wa Mudzimu. Nda vhona uyo murivha muñuku wa maiinha u tshi khou fhufha, nda zwi sedza izwo zwiñoni zwiñuku. Ni a zwi elelwa. Ndo vhona Vharuñwa vha sumbe vhe nga tshivhumbleo tsha phiramidi, vha tshi khou dzhena kha nne nga luhvilo. Ha pfi, "Iya vhukovhela, iya Tucson, ivha maela dza fuiña devhula-vhubvađuvha. Huno u ḥo vha u tshi khou doba tshene," kana ḥohoya-phulu, vha i vhidza zwenezwo hangei, "i tshi bva kha zwiambaro zwañu."

¹²⁸ Mukomana Fred Sothmann, o dzulaho heneffo o ntsedzaho zwa zwino, o vha e henengei matsheloni ayo. Ndo vha ndo no hangwa nga hazwo.

¹²⁹ Nda ri, "Muthuthubo wo taha vhunga mudzinginyo, we wa ṭodou dzinginyisa nga maanda tshinwe na tshinwe tshe tsha vha tshi hone shangoni. A thi vhone uri muthu o vha a tshi nga u ponya hani." Ndo vha ndo tshuwa. Nda ima ngei Phoenix, vhoiwi nothe no thetshellesaho ngomu madekwana a namusi ni a ntanzilela. Ndo rera nga ha therò, *Vhane Vhanga, Naa Ndi Tshifhinga-de?* "Naa ri ngafhi?" Nda ya Vhukovhela. Vhunzhi haṇu fhano ni na iyo theiphi, vhunzhi haṇu fhano no no pfa zwi tshi ambiwa, nwaha kana yo engedzeaho zwi sa athu bvelela.

¹³⁰ Nda ya Vhukovhela, ndi tshi khou mangala zwe zwa vha zwi tshi khou yo bvelela. Liñwe ḫuvha nda wana mbidzo i bvaho ha Murena. Nda vhudza mufumakadzi wanga, nda ri, "Mufunwa, nne ndi...hu na khonadzeo ya uri mushumo wanga wo fhela." A tho ngo ḫivha. Nda ri, "Ndi...Mudzimu, hu na khonadzeo ya uri Mudzimu o fhedza nga ha nne zwino huno ndi do vha ndi tshi khou ya Hayani. Inwi iyani ni wane Billy, dzhiani vhana. Mudzimu u do ni itela ndila, nga inwe ndila. Iyani phanda huno ni tshile nga ngoho kha Mudzimu. Ni vhone uri vhana vha fhira nga tshikoloni, ni vha aluse nga u vha kwengweledzela zwa Mudzimu."

A ri, "Bill, a ni—a ni ḫivhi uri izwo ndi ngoho."

Nda ri, "Hai. Fhedzi muthu o kundelwa u zwi ponya hezwo."

¹³¹ Nga manwe matsheloni Murena a mvusa, a ri, "Iya ngei n̄ha ha Govha la Sabino." Nda dzhia tshipida tsha bammbiri na Bivhili yanga.

Mufumakadzi a ri, "Naa ni khou yafhi?"

Nda ri, "A thi ḫivhi. Ndi do ni vhudza musi ndi tshi vhuya."

¹³² Nda ya govhani, nda namela nthia thwii he magoni a vha a tshi khou fhufha u mona heneffo. Ndo vha ndi tshi khou sedzesia inwe nyala yo imaho heneffo. Nda gwadama fhasi uri ndi rabele, huno nda imisa zwanda zwanga, huno Banga la kwama tshanda tshanga. Nda sedza u mona ḫothe. Nda elekanya, "Naa ndi mini itsho? A thi pengi. Ngeli ilo Banga tshandani tshanga; li a kombodza, li a penya, li a vhengama ḫuvhani." Nda ri, "Zwino, a hu na vhatħu vha re dzimaela u bva kha nne, kule hafha nthia govhani ili. Naa ilo li nga vha li tshi bvafhi?"

Nda pfa Ipfi, li tshi ri, "Ilo ndi Banga la Khosi."

Nda ri, "Khosi i rwa munna nga banga."

¹³³ Lone, Ipfi, la vhuya, la ri, "A si banga la khosi, fhedzi, 'Banga la Khosi,' Ipfi la Murena." Ha pfi, "U songo ofha. Ndi Mururo Wa Vhuraru fhedzi. Ndi khwaṭhisidzo ya mushumo waṇu."

¹³⁴ Ndo vha ndi tshi khou yo zwima na khonani, ndi sa ḫivhi zwe zwa vha zwi tshi khou yo bvelela.

Huno muñwe muthu a mmbidza, uyo we a ntsatsaladza nga ha itsho tshifanyiso tsha Muruñwa wa Murena, uyo we a tshi dzhia. Ndo do tea u ya Houston nga ha murwa wawe, ngauri o vha a tshi khou dzhena kha tshigwewho tsha lufu huno a tshi khou yo vhulawa kha mađuvha a si gathi. Huno o ṭangana na nne ngomu heneffo huno a nkuvhatedza nga zwanda zwawe, ha pfi, “Elekanyani, munna onoyo we nda mu sasaladza u da u tshidza murwa wanga fhedzi!” Sosaithi ya vhatu yo nnea tshire vha tshi vhidza tshitatshiu, kana tshiñwe na tshiñwe tshire na ḥodou tshi vhidza tshore, nga nthani ha u tshidza vhutshilo.

¹³⁵ Zwenezwo ra humela murahu, nda gonya thavhani u zwima. Henengei, Mukomana Fred na nne, nga mañwe matsheloni musi ndi tshi bva, huno ndo—ndo vha ndo no di wana javelina yanga, huno nda sedza huno nda vhona fhethu he vha ya. Nda ri, “Mukomana Fred, iyani hangei kha ila thavha nga matshelonitsheloni zwino, duvha li tsini na u tsha, huno ndi do ya kha iyo inwe. A thi nga thuntshi nguluvhe, a thi nga i vhulahi. Fhedzi arali dza fhira thungo holu, ilo sambi, ndi do thuntsha nga phanda hadzo zwenezwo nda dzi pandamedzela murahu.”

¹³⁶ Mukomana Fred a bva heneffo huno ha vha hu si na dzinguluvhe. A nnyimisela tshanđa huno nda vhona. Nda tsela fhasi govhani, dziñwe nngwa khulu, duvha lo vha li tshi khou bva. Nda da nga liñwe sia la muvhundu, ndi sa elekanyi tshithu nga ha zwiporofito. Nda dzula fhasi, nda lindela, nda awela; nda elekanya, “Naa ho bvelelani kha idzo nguluvhe?”

¹³⁷ Nda doba tshanga... Nda dzula fhasi vhunga Maindia a tshi ita, ni a qivha, ho pfuñwa tshisenga. Nda sedza mulenzhe wa ovarolo yanga, huno ho vha hu na thoho-ya-phulu. Nda i fula. Huno nda ri, “Izwo ndi zwisili! Nñe ndi fhano, maela dzi no ḥodou ita fuiña devhula-vhubvaduvha ha Tucson. Ngoyo mutukanyana wanga Joseph o dzula heneffo o nndindela.” Huno ndi tshi thoma u sedza, nda vhona sambi la dzinguluvhe li tshi bva lwa dzharaña dzi no ḥodou ita tshigidi u bva kha nne, nthia ha thavha, nda posela thoho-ya-phulu fhasi. Nda ri, “Ndi do dzi wana. Ndi do ya nda wana Mukomana Fred, huno ndi do nembeledza tshipida tsha bammbiri u divhadza uri hu iwa thungo lufhio, kha iyi octillo fhano, huno ri do wana Mukomana Fred.”

¹³⁸ Huno nda thoma u gonya thavha, ndi tshi khou gidima u ya nga he nda kona kha liñwe sia. Nga kathihi fhedzi, nda elekanya uri muñwe muthu o nthuntsha. A thi athu pfa muthuthubo wo raloho na kathihi; wo dzinginyisa shango lothe. Huno, musi wo ita, phanda hanga ho vha ho ima Vharuñwa vha sumbe vhe tshigwada.

¹³⁹ Nda ṭangana na Mukomana Fred na vhañwe, ngavhuyanyana. Ha pfi, “Naa ho vha hu mini?”

Nda ri, “Uyo wo vha u woné.”

“Naa ni khou yo itani?”

¹⁴⁰ “U humela hayani. Ngauri, U RALO MURENA, zwiphiri zwa sumbe two dzumbiwaho Bivhilini miñwaha iyi yothe, idzi dinomineisheni na tshiñwe na tshiñwe, Mudzimu u khou yo ri vulela izwo zwiphiri zwa sumbe kha Mapfundo A Sumbe.”

¹⁴¹ Ho vha hu na uyo mutengelele u bvaho kha liphasi, vhunga khuli i tshi vhumblea. Musi Yo ita, Ya ya ngomu ha thavha thwii, ya thoma u ita mutengelele wo livhaho vhukovhela, u bva thungo ine Ya bva. Saintsi yo I wana nga murahu ha tshifhinganyana, i maela dza furaru u ya n̄tha na maela dza fumbiliñhanu u buđekanya, i tshi tou vha kokotolo nga mutengelele wa phiramidi.

¹⁴² Huno liñwe đuvha, ndo ima heneffo, nda rembulusela tshifanyiso kha tsha u la, huno ngoyo Yesu sa zwe A vha e zwone kha Zwikhathi Zwa Sumbe Zwa Tshivhidzo, o ambara wigi tshena, i tshi sumbedza Vhumudzimu Vhuhulwanesa. Ndi ene Alfa na Omega; Ndi ene wa U Thoma na wa U Fhedza; Ndi ene Muhañuli Muhulwane wa Vhutshilo-tshothe hothe, o ima heneffo u khwathisedza Mulaedza wa ino awara. Huno hu do vha Tshedza tshifhinga tsha madekwana tsho no vha tsini! Naa zwi nga ha mini? Naa ho vha hu mini?

¹⁴³ Nda livha vhukovhela. Kha yeneyo thavha nthihi, ndi tshi fhira na Banks Woods heneffo, ha pfi, “Posa tombo. I ri kha Vho-Woods, ‘U RALO MURENA, u do vhona Vhugala ha Mudzimu.’”

¹⁴⁴ Đuvha lenelo li tevhelaho, ndo ima heneffo, tshiđumbumukwé tsha da huno tsha thuthubisela dzithavha kule. Matombo a tumula ḥodzi dza miri, mielo i no ṭodou swika miraru kana miña nga n̄tha ha ḥoho yanga. Ha itwa mithuthubo miraru mihulu, huno vhakomana vha da vha tshi gidima. Ho vha hu na vhanna vha no ṭodou swika fumithanu vho imaho heneffo, vhareri na tshiñwe na tshiñwe-vho. “Naa ho vha hu mini?” A ri, “Naa ho vha hu mini?”

Nda ri, “Khañhulo i khou rwa Khunzikunzi Ya Vhukovhela.”

¹⁴⁵ Mađuvha mavhili a tshi ṭodou fhela nga murahu ha izwo, mudzinginyo wa ṭodou swatimedza Alaska. Naa itshi Tshedza ndi mini tshi re n̄tha ha Thavha ya Tshikovhelelo kha Daka la Coronado la Arizona? Naa itshi tshithu tshisili tsho bvelelaho ngei n̄tha ndi mini, zwe vhatu vha vha vha tshi khou reila u ya vhübvađuvha vha tshi bva vhukovhela, vha tshi khou doba matombo e a vha e heneffo he Wa rwa? Huno muñwe na muñwe wavho, tombo liñwe na liñwe, li na khuda tharu khalo, dze Wa li kherula. (Tharu ndi Muthihiki.) A kha dzidesiki, kha zwileme zwa bammbiri, kha lushaka. Naa itshi tshithu tshisili ndi mini tshi re kha Thavha ya Tshikovhelelo kha Daka la Coronado?

¹⁴⁶ Junior Jackson a tshi khou thetshelesa ngomu, ni a elelwa muloro we a vha e nawo we nda u ḥalutshedza, “hu tshi khou

iwa thungo ya u kovhela ha duvha"? Huno izwi zwo bvelela kha Thavha ya "Sunset." Ndī tshifhinga tsha madekwana, tshifhinga tsha tshikovhelelo. Mulaedza wa tshikovhelelo nga kha u kovhela ha divhazwakale, u kovhela ha vhuporofita, kha ndi ri, vhu tshi khou khunyelela. Huno hu do vha Tshedza nga tshifhinga tsha madekwana, kha Thavha ya Tshikovhelelo kha Daka ja Coronado, maela dza fuina devhula ha Tucson. Sedzani kha mapa huno ni vhone arali Thodzi ya Tshikovhelelo i heneffho. Afho ndi hone kokotolo he zwa bvelela. A thi zwi qivhi na kathihi u swika linwe duvha.

¹⁴⁷ Tshiñwe na tshiñwe tshine...Tshine tsha sa do fa na kathihi. Tshi a Dipetulula. U bva kha tshenetsho tshithu tshi no khou bvelela, u ya kha tshifanyiso tshi Yesu o imaho o ri sedza; huno zwino kokotolo kha Thavha ya Tshikovhelelo, na Tshedza tsha tshikovhelelo. Tshedza tsha madekwana tsho da, Mudzimu a tshi khou Dikhwathisedza. Naa ndi mini? Ndi mbuno dza uri Mudzimu na Kristo vha muthihi. Yone "tshena," ndi vhangana who no i vhonaho, wigi tshena i re Khae, vhunga ro amba kha Nzumbululo 1? Ni a vhone, Vhumudzimu Vhuhulwanesa, Maandalanga Mahulwanesa; a hu na linwe ipfi, a hu na muñwe mudzimu, a hu na tshiñwe tshithu! "Kha Ene hu dzula u khunyelela u vha Mudzimu lwa tshivhili." Vharuñwa Vhone Vhane vho vha vhe wigi Yawe. Amene.

¹⁴⁸ Naa ho bvelelani kha Thavha ya Tshikovhelelo? Mudzimu a tshi khou khwathisedza Ipfi Lawe. Izwo ndi zwine iyi phosho yothe ya vha nga hazwo. Dzhielani nzhele, ndi Mudzimu a tshi khou khunyeledza hafhu Ipfi Lawe lo fulufhedziswaho, ja Dzinzungbululo 10:1 u swika kha 7, "Huno mađuvhani a u huwelelwa ha Mulaedza wa muruñwa wa vhusumbe, tshiphiri tsha Mudzimu tshi tea u khunyelela." Tshiphiri tsho dzumbamaho tsha Dzinzungbululo 10:1 u swika kha ya 7, Mulaedza wa u fhedza kha tshikhathi tsha u fhedza tsha tshivhidzo. U khunyeledza kokotolo, kha tshino tshikhathi, Luka Mukhethwa 17:30, "Duvha musi Murwa-muthu a tshi do dzumbululwa."

¹⁴⁹ "Huno hu do vuwa vhaporofita vha si vha ngoho na Vhokristo vha si vha ngoho, vha sumbedza zwiga zwihiwlwane na zwimangadzo, u swika hune zwa do fhura Vhanangiwa arali zwi tshi konadzea." Vhathu vha kha di vha kha thimothimo. Huno, sa misi, tshivhidzo tsho sokou kanganyisea.

¹⁵⁰ Huno saints, na hothe ngei Tucson, vha khou nwala zwipida huno vha zwi džhenisa bammbirini. Murahu hangei kha Thavha ya Lemmon, idzo khamera khulu a dzo ngo Tshi vhone tshi raha u bva he ra vha ro ima hone; tshi tshi khou redzemutshela thungo ya Vhukovhela, tshi tshi sumbedza uri tshifhinga tsho fhela. Tshi nga si tshimbile u fhira tshipida tshiñku heneffho; tshi kha Khunzikhunzi Ya Vhukovhela. Khañhulo yo rwa fhedzi thungo yeneyo ye tsha ya. Tshi tshi

ya u swika nga n̄ha ha Phoenix na u buđekanya, u swika Prescott na u buđekanya dzithavha u swika kha Khunzikhunzi Ya Vhukovhela, u swika n̄ha ngomu... Naa vho vha vha tshi khou yafhi? U swika n̄ha ngomu Alaska, huno tshi khou bvuma, tsho livha thungo lwonolula.

¹⁵¹ Huno zwifhađo zwa vhusedzi na avho vhothe vha re Tucson vha kha di vhudzisa, thodisiso ya saints i khou lingedza u wanulusa uri ndi tshini. Tshi n̄ha lune hu nga si vhe khuli, khuli, kana a hu na tshithu hangei n̄ha. "Naa ndi mini tsho tshi itaho? Naa tshi ngafhi?" Vho tou kanganyiswa nga itsho Tshitendeledzi tsha n̄ha ha mupo tsho nembelela hangei lutomboni sa zwe vha vha vhe zwone musi Vha vhuđali vha tshi dzhena vha tshi khou tevhela ḥaledzi, vha tshi ri, "Naa U ngafhi uyo o bebwaho e Khosi ya Vhayuda?" Naa ho vha hu mini? Mudzimu a tshi khou khunyeledza Ipfi Lawe, "Huno hu do takuwa ḥaledzi i bvaho kha Yakobo."

¹⁵² Huno Mudzimu wa Tađulu o fulufhedzisa uri tshifhinga tsha madekwana tshi do vha nā Zwedza zwa madekwana. Miňwaha miraru yo fhirahō tshipphiri itsi tsho vha tshi vhuporofita, "Naa ndi tshifhinga-de, Muňe Wanga?" Fhedzi zwino ndi divhazwakale. Yo fhira. Pfulufhedziso yo khunyelela. Naa ndi tshifhinga-de, muňe wanga, nahone naa ndi tshini itsi tshire tsha khou kokodza? Mudzimu a tshi khou khunyeledza Ipfi Lawe! Ha shanduki mulovha, ḥamusi, na lini na lini.

Kha ri rabele.

¹⁵³ Mudzimu a funwaho, ndo fareledza vhathu, u lapfesa u fhira zwe nda vha ndo diimisela. Ndi a rabela, Mudzimu, uri tshiňwe tshithu tsho ambiwa kana tsha itwa tshire tsha do vhanga uri vhathu huňwe na huňwe nn̄da vha pfesese. Huno nga u vhona na u pfesesa vha kone u tenda zwaauri Iwe u Kristo wa ngoho, huno Maipfi a no khou khwařhisizedza ndi khwařhisizedzo ya Ipfi Lawe li lo fhelelaho nahone li tshi khou khunyelela nga khalaňwaha Yalo.

¹⁵⁴ Zwino, Murena Yesu, zwi bvaho kha Maipfi Au Iwe muňe, Wo amba uri shango li do vha kha nyimele ya Sodoma. Ri a zwi divha izwo, ri kona u zwi sedza. Huno Wo ri, nga ilo duvha, "Sa zwe zwa vha zwi zwone Sodoma." Ho vha hu na vhadinda vhararu vho ruňwaho kha shango ja Vhannda na Vhaheberu. Huno muňwe wavho, we a vha e Mudzimu Ene muňe, Murwa-muthu, o Didzumbulula nga tshivhumbeo tsha muthu huno a ita dembe, u swika he a vhudza Abrahamu zwe Sarah a vha a tshi khou ita murahu Hawe denndeni.

¹⁵⁵ Wo amba uri zwi do dovholola hafhu musi shango lohe ja Vhannda li tshi do vha li kha nyimele ya Sodoma. Huno ri henefha, Murena. Zwiňwe zwiporofito zwi no khou khwařhisizedza zwenezwo zwithihi, zwa u rumela Eliya mađuvhani a u fhedzisela, Muya wa Eliya kha lifhasi,

u disa mbilu dza vhokhotsi, kana, “vhana murahu kha vhokhotsi.” Nahone ndi a rabela, Mudzimu, uri awara iyi U do khwathisedza Ipfi Lau, uri U a sa shanduki mulovha, namusi, na lini na lini. Zwi tendele, Khotsi. Vhothe ndi Vhau. Ndi rabela uri U do tendela idzi phathutshedzo nahone wa khwathisedza two ambiwaho, u itela Vhugala ha Mudzimu. Nga Dzina ja Yesu Kristo. Amene.

¹⁵⁶ U amba ipfi, ndi muthu; u khwathisedza ipfi, ndi Mudzimu. U amba tshinwe tshithu, ndi tshithu tshithihi; Mudzimu u tshi ita, ndi tshinwe tshithu. Mudzimu ha ḥodi mutalutshedzi; U ita ḥhalutshedzo Yawe Ene muṇe.

¹⁵⁷ Zwino ri khou ḥodou vha na muduba wa thabelo, u rabelela vhalwadze, Mudzimu a tshi funa. Huno ri a ḫivha uri a hu na muṇwe, a hu na munna, a hu na musadzi, a hu na muthu, a hu na muruṇwa, ane a nga ni fhodza, ngauri Mudzimu o no di zwi ita. O ita ndugiselo, tshithu fhedzi tshine na tea u ita ndi u i ḥanganedza.

¹⁵⁸ A hu na muthu, a hu na muruṇwa, a hu na tshithu, na Mudzimu Ene muṇe, ane a nga ni hangwela zwivhi zwanu. Two no di itwa. Yesu o ita izwo ngei Tshifhambanoni. Fhedzi na kathihi a zwi nga ni farisi, kana tshinwe tshithu, kana zwa ni bindulisa tshinwe tshithu, u swika ni tshi zwi ḥanganedza. Ni a vhona?

¹⁵⁹ Tshithu fhedzi tshine tshi nga itwa, ndi ndaela dze dza ḫewa nga Mudzimu, dza vhatendi uri vha vhee zwanda kha vhalwadze. Izwo two vha hone kha zwikhathi vho ita hezwo, nga dzimvuseledzo. Huno vho zwi vhidza, “Mudzimu.”

¹⁶⁰ Abrahamu o vhona zwiga zwinzhi. Fhedzi ho ḫa tshifhinga tshe Abrahamu a vhona tshiga tshawe tsha u fhedza, phanḍa ha musi Sodoma u tshi fhiswa, huno uyo o vha e Mudzimu a no khou ḫivhonadza nga tshivhumbeo tsha munna. Naa izwo ni a zwi tenda? Naa Yesu o ri zwi do dovholola?

¹⁶¹ Zwino, ndi vhangana ngomu hafha... Na nn̄da kha radio, kana nn̄da kha thingo kha lushaka, arali ni tshi kha di thetshelesa ngomu, dilugiseleni thabelo zwino, ni rabele, na vhoinwi ni re na izwi zwisagaduku fhano. Zwino, a thi koni u vhudza Mudzimu zwine a tea u ita. Hai, kha zwi vhe kule na nne u vhuya nda zwi lingedza. Ndi muhulwane; U ita zwine A ḫoda. Ndi kona fhedzi u thetshelesa nahone ndi nga amba fhedzi zwine A amba.

¹⁶² Huno zwino vho ima u mona na dzimbondo, vho ḫala ngomu, ho tsitsikana. Ndi a mangala arali ri tshi nga vhudzisa Mudzimu nga ha maipfi aya, “Naa ndi tshini itshi tshine tsha khou kokodza?” Arali Mudzimu a tshi do tshimbila vhukati hashu hafhu (hu nga di vha hu na vhatśinda fhano), huno a tshimbila vhukati hashu nahone a sumbedza tshifhaṭuwo Tshawe tsho ḥfatuṭshedzwaho vhukati hashu, a sumbedza uri Muya Wawe u fhano, a sumbedza uri Ha shanduki mulovha,

namusi, na lini na lini, uri muñwe na muñwe washu (nga murahu ha iyi Milaedza mivhili yo khwañhaho) a tende uri zwo ralo? Naa ni nga zwi ita? Zwo luga.

¹⁶³ Vhudzuloni ha u vhidza muduba wa thabelo, zwenezwo; hu tshi fhisa, ho tsitsikana, ho imiwa tsini na luvhondo. Ndi sedza u mona hothe nga *iyi* ndila, u vhidza muduba wa thabelo wanga, no vha ni si nga zwi iti; sedzani, vho ima heneffho. Naa ndi nga u vhidza nga *iyi* ndila? Vhalwadze vhañu, dzikhetho, tshinwe na tshinwe-vho, zwo edela; no vha ni si nga zwi iti. Ngauralo dzulani hune na vha hone, nahone ni tende Mudzimu. Arali ni na garata ya thabelo, i fareni, zwi do vha zwavhudi. Ri do da kha inwi arali ni tshi ḥodou da nga muduba. Fhedzi a ni tei u da nga muduba.

¹⁶⁴ Avho Vho-Shepherd, vhusiku ha Swondaha yo fhiraho, na kathihi a vho ngo da nga muduba. A thi—a thi humbuleli uri vho vha vhe na garaña ya thabelo. Naa Vho-Shepherd vha hone fhano madekwana a namusi? Naa vha ngafhi? Naa vha fhano? Vha ngei murahu. Naa vho vha vhe na garaña ya thabelo, Vho-Shepherd? Vho vha vha si na? Vho vha vha si na. Vho dzula henehafho hafhu, madekwana a namusi. Afho ndi fhethu havhuđi hune vha nga vha hone, Mukomana Shepherd.

¹⁶⁵ A si hezwo fhedzi zwauri ni tea u vha heneffho, fhedzi itonu vha na lutendo. Ngauri, elelwani, musadzi mutuku o kwama tshiambaro Tshawe huno A zwi pfa. Huno Ndi a sa shanduki mulovha, namusi, na lini na lini. Nahone luñwalo lwa Vhaheberu, kha Testamente Ntswa, lwo amba uri Ndi ene Tshifhe Muhulu madekwana a namusi ane “a nga pfela vhuñtungu u shaya nungo hañu.” Naa izwo ni a zwi tenda? Ivhani na lutendo-ha! Ni songo Li timatima. Li tendeni, huno zwi do khunyelela. Inwi ni nga vha na zwe na—zwe na humbela, arali ni tshi nga Li tenda. Fhedzi ni tea u Li tenda. Naa ni do zwi ita? Naa vho inwi nothe ni do Li tenda? Ndi vhanganana vha no do Li tenda zwino? Mudzimu a ni fhañutshedze.

¹⁶⁶ A thi ñivhi uri nnyi ndi nnyi. A thi ñivhi na muthihi wañu. A si mushumo wanga u ñivha muñwe wañu. Ndi mushumo wa Mudzimu u ñivha izwi zwithu. Fhedzi U do zwi ita arali ni tshi do Li tenda. Naa ni do Li tenda zwino?

¹⁶⁷ Zwino, Mudzimu a Funwaho, ngoho a ri tshivhalonyana tsha Vhakriste vha ñhanganyo, a ri tei u vha vhone, muñwe muthu a no tea u phaphathiwa na u fariwa sa lushie. A u na ulwo lushaka, Murena. U na vhatendi vho ñiimisela. Honoho Vhuhone ha Mudzimu vhu vhasa mulilo mbiluni ya muthu. Vhunga Abrahamu, o tenda Mudzimu. Wo Ñidivhadza khae, zwenezwo Wa bvelela khae huno wa ita tshiga, huno a U tenda. Wo humisela muvhili wawe kha u vha muñhannga, na mufumakadzi wawe, zwine, mufumakadzi wawe o vha e tshipida tsha muvhili wawe ene muñe. Zwenezwo hu bvelela ñwana muswa, ñwana o fulufhedziswaho.

¹⁶⁸ Mudzimu, Wo fulufhedzisa uri zwi do vha zwenezwo zwithihi kha lino duvha. Ndi rabela uri U do khwathisedza ili Ipfi. Huno ri do shuma heneffo kha pfulufhedziso nthihi heneffo, uri zwi do nga zwe zwa vha zwi zwone ngei Sodoma, phanda ha musi Sodoma u tshi fhiswa huno khatulo ya rwa Sodoma, shango la Vhannda. Ngauralo khatulo i khou dilugisela u rwa shango la Vhannda, huno Vhayuda vha na miwaha miraru na hafu yo engedzeaho kha phiriodi ya Matungu, vhuleme ha Yakobo, u bvela phanda ha vhege dza fusumbe dza Daniele. Fhedzi, a Vhannda o vhaliwa, ndi tshifhinga tsha u tuwa. Huno U nea itsho tshiga, huno Wa ri tshi do vha hone hafu. Zwi tendele, Mudzimu. Vha, ri zwandani Zwau, ita nga riñe zwine Wa vhona two tea. Dzinani la Yesu Kristo. Amene.

¹⁶⁹ Zwino ni songo vha na mazhuluzhulu. Naa two vha zwi tshi do vha mini arali ndo vha ndi na mazhuluzhulu? Zwino, ndi khou ita tshithu fhano tshine tsha tea u ditika nga vhuhulwane ha Mudzimu. Fhedzi ndi ngani ndi tshi ita izwi? O ri zwi do ralo. Izwo zwi a li ladza. Huno arali A tshi Diita uyo, o khwathisedzwa nga u ralo phanda hanu, two luga, naa a ni koni u Mu tenda? Zwa vhukuma. Inwi itonu vha na lutendo zwino nahone ni tende.

Edzonu ri ndi tou sedza u mona hothe, ndi vhone hune Muya Mukhethwa wa do dededzela hone, zwine A do ita. A thi divhi zwine A do ita, izwo zwi kha Ene. Fhedzi arali ni tshi do tou vha na lutendo fhedzi, na tenda fhedzi, "Zwithu zwe the zwi a konadzea kha avho vha no tenda." Vhoinwi nothe ni tshi zwi tenda izwo, imisanu zwanda zwanu huno ni ri, "Ndi a Li tenda." [Tshivhidzo tshi ri, "Ndi a Li tenda."—Mudz.] Nga mbilu yanga yothe, ndi a Li tenda.

¹⁷⁰ Zwino raru i do vha na khwathisedzo, arali A tshi do zwi ita luraru nga u tevhekana, u ni sumbedza uri Ndi lone-lone. A thi londi hune na vha hone, uri ni nnyi, inwi itonu vha na lutendo nahone ni tende. Zwino, ni songo—ni songo mona-mona. Thungo holu.

¹⁷¹ Mufumakadzi, a no khou rabela, a thi ni divhi. Itonu dzula hune na vha hone; a ni tei u da. A thi ni divhi, fhedzi no takula musidzanyana tshandani tshanu, kana tshirumbini tshanu. Ndi mutsinda tshothe-tshothe kha inwi. Huno musidzanyana u vhonala a nomala, u vhonala o takala. Ndi musidzanyana o nakaho, musidzanyana wa thoho tswuku. Ndo sedza hafha khae, ha vhonali a tshi nga ndi muholefhalii kana tshirwe tshithu. A thi divhi uri tsho khakheaho khae ndi mini. Hu nga di vha hu si u itela nwana; hu nga di vha u itela inwi. Fhedzi ndo sokou ni vhona no dzula heneffo ni na uyo nwana, nahone ni tshi khou rabela. Ndi tea u amba na inwi lwa tshifhinganyana, u fasha muya wanu, vhunga Yesu o vhudza musadzi, "Ndisele tshinwiwa," ni a vhona, u tou pfectesa—pfesesa muthu muthihi. Mukomana Bryant na avho

vho dzulaho hafha, ndi ɖivha avha vhathu vho dzulaho hafha. Vha nga di vha vhe na ḥodea, na vhone-vho, fhedzi inwi no vha ni mutsinda.

¹⁷² Naa ni a ntenda uri ndi muporofita wa Mudzimu? Naa ni a tenda uri izwi zwithu zwe na zwi pfa madekwana a ɳamusi ndi Ngoho? Zwino, arali Mudzimu a tshi do nnzumbululela tshiñwe tshithu tshe na ita, kana tshiñwe tshithu tshe na vha no tea u vha ni songo tshi ita, kana tshiñwe tshithu tsho khakhea kha inwi, kana zwine lutamo lwaṇu lwa vha zwone, ni do ɖivha arali zwi ngoho kana hai. A ni nga do ralo? Huno arali A tshi do ita izwo, naa zwi do khwathisedza Ipfi Ławę la uri Ha shanduki mulovha, ɳamusi, na lini na lini, na uri Luka Mukhethwa 17:30 i khou vhonadzwa? Ni a Ili tenda?

¹⁷³ Zwino, mufumakadzi o imisa tshanda tshawe uri ri vhatsinda. A thi ni ɖivhi, fhedzi ndi khou lingedza u kwama maya wawe, muthu muthihi. Hu na vhanzhi vhaṇu vha no khou kokodza. Zwino, inwi tendani Ili nga mbilu yaṇu yothe.

Zwino, ndi zwa musidzanyana. A si zwaṇu. Ni na mazhuluzhulu, fhedzi a si mazhuluzhulu a no khou ni dina. Tshithu tshihulwane kha mbilu yaṇu ndi uyo musidzanyana. Huno ni a tenda uri Mudzimu a nga mmbudza uri ndi mini? Ni a zwi tenda? Naa zwi do ni thusa, naa ni do mbo di tenda-ha? Ndi fuvhalo la vhuluvhi. Izwo ndi zwone? Zwino vheani tshanda tshaṇu kha ḥoho ya የwana muṭuku; tshanda tshaṇu.

¹⁷⁴ Mudzimu a funwaho, Wo ri, “Izwi zwiga zwi do tevhela avho vhane vha tenda. Vha do vhea zwanda zwavho kha vhalwadze, huno vha do fhola.” Uyo musadzi ndi mutendi. Tshanda tshawe tshi kha የwana. Ngavhe a tshi fhola. Nga Dzina la Yesu Kristo, ndi ita iyи thabelo. Amene.

¹⁷⁵ Zwino ni a tenda, vho inwi nothe? Arali ni tshi nga tenda, zwithu zwe the zwi a konadzea. Zwa vhukuma!

¹⁷⁶ Ndi ɖivha mufumakadzi o dzulaho tsini nae, fhedzi o sedza thungo holu nga u fulufhedzea. A thi koni u vhidza dzina lawe, fhedzi ndi... Arali nda mu sedza lwa tshifhinganyana, ndi do ɖivha. Fhedzi ndi ɖivha uyo musadzi nga u mu vhona, fhedzi a thi ɖivhi uri vhuleme hanu ndi mini. Naa ni a tenda uri ndi... Mudzimu u do ntendela u ɖivha uri vhuleme hanu ndi mini? Naa ni do... Naa zwi do ni thusa? Vhulwadze ha swigiri. Zwino, arali izwo zwi zwone, imisani tshanda tshaṇu. Zwa vhukuma!

¹⁷⁷ Zwo sokou itea ha vha mufumakadzi o eđelaho... o dzulaho tsini hanu, u na zwenezwo zwithihi. Ndi mutsinda. Uyo muñwe mufumakadzi u khou rabelela muñwe muthu, የwana wa muholefhalı. Inwi ni tshi tenda nga mbilu yaṇu yothe, Mudzimu u do zwi tendela.

¹⁷⁸ Muñwe muthu murahu ngomu hafha. Munna o dzulaho hangei, a no khou lingedza u litsha u daha dzisigarete. Ni

a tenda uri Mudzimu u do dici tusela kule hanu? Zwo luga. Ni a tenda? Ni nga vha nazwo. A thi athu vhona uyo munna vhutshiloni hanga na kathihi.

¹⁷⁹ Munna ngoyu. Ni a vhona uyo murunzi mutswu wo nembelelaho nga nthia ha uyu munna henehafha o edelaho kha tshi no nga khotho, kana tshidulo? U khou fa. O tsirwa nga murunzi. U na pfuko. A thi mu divhi uyo munna, na kathihi a thi athu mu vhona. Mudzimu u divha zwe theha nga ha inwi. Iyo ndi ngoho, muñe wanga. Naa ni a tenda uri Mudzimu a nga mmbudza tshiñwe tshithu nga ha inwi? Naa zwi do ni thusa u wana phodzo yanu? [Mukomana u ri, "Ee, ndi a ralo." —Mudz.] No diswa ngeno nga khonani. Fhedzi a ni bvi fhano, ni huñwe fhethu hune ha vha na muvhili muhulu wa mađi hune vhathe vha rea khovhe hone. ["Iina."] Iina, Albany, Kentucky. ["Izwo ndi zwone."] Izwo ndi zwone. Tendani, huno ni nga humela hayani, ni na mutakalo. Tendani uri yo tuwa. Arali ni tshi do Li tenda! Ni fanela u Li tenda, nahone tendani uri zwe itelwa inwi. Ni a tenda?

¹⁸⁰ Inwi, a bvaho Tennessee, ni na mutukana a re na asima. Haho fhano, fhedzi ni a tenda uri u do fhola? Zwenezwo dzhiani sagaduku tshañu, tshañu...tshandani tshañu henehfo, ni mu isele. U do fhola arali ni tshi do Li tenda.

¹⁸¹ Mufumakadzi a no khou lila, o dzulaho seli ha Dokotela Vayle henehfo. O tsirwa nga murunzi, na ene, murunzi mutswu. A thi athu vhona uyo musadzi vhutshiloni hanga na kathihi, fhedzi u na pfuko. U do fa arali a sa itelwi tshiñwe tshithu. Ni a tenda uri U do ni fhodza, mufumakadzi? Ni nga kona? Ni nga kona u vha na phodzo yanu, arali ni tshi do tenda fhedzi.

¹⁸² Ngoyo mufumakadzana o dzulaho henehfo murahu hawe e na sagaduku mulomoni wawe. Na ene u na tshilonda thumbuni, u a lwala. No vha ni tshi khou farwa nga dzungu, ni tshi khou kundelwa u vhona, ni tshi wa. Muñwe muthu o ni disa fhano. Ni na vhuleme ha tshisadzini. Arali ni tshi do tenda, ni nga ya hayani, na vha na mutakalo.

¹⁸³ Inwi, muthannga, ni mutsinda; no dzula henehafha phanda hanga, no ntsedza. Naa ni mumini, wa Puerto Rica kana tshiñwe tshithu? Iina, zwe nda vha ndi tshi khou amba zwone, . . . ? . . . ! Ndi mutsinda kha inwi. Ni a zwi divha izwo; a ni vhuysi na bva shangoni la hashu. Fhedzi ni a tenda uri Mudzimu a nga ni nea lutamo lwa mbilu yanu? Arali ndi tshi do ni vhudza zwine lutamo lwanu lwa vha zwone, naa ni do lu tanganedza? Ni khou toda ndovhedzo ya Muya Mukhethwa. Izwo ndi ngoho. Tanganedzani Muya Mukhethwa, mukomana wanga.

¹⁸⁴ Ngoyu munna wa mukhaladi o dzulaho ngeno murahurahu, u na muhwalo kha mbilu yaye. Ndi wa mufumakadzi wawe. Haho fhano, nahone. U na vhuleme ha milenzhe yaye. Ni a tenda uri U do mu fhodza? Ni a ralo? Ni mutsinda fhano. Ni bva

seli ha lwanzhe. Ni bva Jamaica. Naa ni a tenda uri Mudzimu a nga mmbudza uri ni nnyi? Vho-Brady. Vha a tenda? Yesu Kristo ha shanduki mulovha, ḥamusi, na lini na lini.

¹⁸⁵ Uyu mufumakadzi o dzulaho heneffo murahu nga hangeno kha *ulu* lurumbu, tsini na Vho-Mme Wright heneffo, u na muhwalo kha mbilu yawe. U khou rabelela iwananyana. U tea u itwa muaro. Ni a tenda nga mbilu yavho yoṭhe, ni tshi itela ene? Ha nga u ḥodi arali na ita uri a Li tende. Nne a thi koni u fhodza.

¹⁸⁶ Murahurahu ngei vhufuwazwimela, ndi vhona Muya wa Murena, Muruṇwa, Tshedza tshi tshi khou dzhena vhufuwazwimela. Tshi nga ḥtha ha musadzi muswa, huno u na vhuleme ha maya vhune a khou vhu mangala. Zwi tou nga ndi tea u ḥivha uyo musadzi, nga iñwe ndila, musadzi muswa. Na ene u na kudwadze kwa tshisadzini. Ee. Dzina lawe ndi Vho-Mme West, vha bvaho Alabama, Vho-Mme David West. Kha vha tende; Mudzimu u do vha tendela yone.

¹⁸⁷ “Hu do vha Tshedza, nahone nga ilo ḫuvha musi Murwa-mūthu a tshi khou dzumbululwa.” Arali uyo a si Yesu Kristo a sa shanduki mulovha, ḥamusi, na lini na lini, a thi ḫivhi tshithu nga Haṇo. Naa ni a li tenda Ilo? Zwoṭhe zwi a konadzea kha avho vha no tenda.

¹⁸⁸ Nnda kha dzikhudzaipfi kha shango zwino, na thaberenakeleni iyi, ndi vhangana vha vhoiñwi vhane na do imisa zwanda zwaṇu huno na ri, “Ndi mutendi?” Zwino, vhoiñwi ni re ngeyo nnda mashangoni, muñwe na muñwe o imisela zwanda zwawe ḥtha, fhano. Na kule nnda, hangei huñwe fhethu kha lushaka, no imisela zwanda zwaṇu ḥtha, a hu na na thimothimo. Zwino valani maṭo anu, itonu wisela zwanda zwaṇu kha muñwe muthu a re tsini hanu. Farani tshanda tshavho. Tshi vheeni kha shada ḥavho. Ndo vhea zwanda zwanga kha zwisagaduku. Sedzani two itwaho ḥamusi! Sedzani two itwaho zwino.

Ri tshi vhona tshifhaṭuwo Tshawe
tshikhethwa
Tshi vhengamaho lufuno lwa Mudzimu;
Vha re na mukovhe vho fhaṭutshedzwaho vha
tshilidzi Tshawe,
Sa matombo a no do penya khareni Yawe.

Zwino rabelani. Kha ri rabele, huñwe na huñwe.

¹⁸⁹ Mudzimu a funwaho, awara yo swika. Naa izwi zwi ambanii? Mudzimu u khou khunyeledza Ipfi Lawe! Naa ndi tshini tshire tsha khou kokodza, Murena? Ndi Mudzimu a no khou khunyeledza Ipfi Lawe. Naa ndi mini itshi tshi re nnda kha lushaka, nga ndila ya luṭingo, tshe madana a vhatu a vheana zwanda kha lushaka, u bva kha khunzikhunzi iñwe u ya kha iñwe, u bva Devhula u swika Tshipembe, Vhubvaduvha u swika Vhukovhela? Hafha ho dzula vhatu

hafha vha bvaho mashangoni asili, vhunzhi ha mashango, Mexico, Canada, huno ro vheana zwanda zwashu. Mudzimu u khou khunyeledza Ipfi Ławé!

¹⁹⁰ Izwi zwi hani zwine muthu a nga ima hafha nga Muya Mukhethwa huno a vhidza munna vhunga O vhidza Simoni Petro, “Dzina Łau ndi Simoni, u murwa wa Yona”?

“Iya u dzhie munna wau huno u de ngeno.”

“A thi na munna.”

“Ngoho. U na vhačanu.”

¹⁹¹ A ri, “Ndi a divha uri Mesia u khou da u ita izwi, fhedzi Iwe u Nnyi?”

A ri, “Ndi nne Ene.”

¹⁹² Huno U a sa shanduki mulovha, ḥamusi, na lini na lini. Huno Wo fulufhedzisa, “Mishumo ine Nda ita na inwi ni do ita-vho. Yo engedzeaho u fhira iyi ni do ita, ngauri Ndi ya ha Khotsi.” “Huno, vhonani, mađuvhani a u fhedzisela Ndi do rumela Eliya kha inwi, muporofita, huno u do shandukisa mihungulo ya vhathu, u do rembulusela mbilu dza vhana murahu kha Pfunzo ya vhaapostola ya Bivhili.” “Huno hu do vha Tshedza tshifhinga tsha madekwana tsho no vha tsini.”

¹⁹³ Ngezwi ri hafha, Mudzimu muhulwane wa Tađulu! Awara i fhano! Zwanda zwi kha vhathu.

¹⁹⁴ Sađane, wo kundwa. U muzwifhi. Huno, sa mulanda wa Mudzimu, nahone sa vhalanda, ri laya uri nga Dzina la Yesu Kristo, uri u thetshlele Ipfi la Mudzimu, huno u bve kha vhathu, ngauri ho ḥwaliwa, “Nga Dzina Łanga vha do pandela vhodiabolo.”

¹⁹⁵ Huno vhathu vhothe vha nga vhofhololwa. Zwi tendele, Mudzimu a Funwaho. U Mudzimu wa Tađulu we a kunda, ilo duvha nga tshi no kokodza kha Thavha ya Khalivari, vhuļwadze hothe na malwadze na mishumo yothe ya Diabolo. U Mudzimu. Huno vhathu vho fhodzwa nga ntho Dzau. Vho vhofhololwa. Nga Dzina la Yesu Kristo. Amene.

¹⁹⁶ Mudzimu, sagaduku tshińwe na tshińwe tshi re hafha, musi Muya wa Mudzimu u hone, musi ndodzo ya Yesu Kristo i kha vhathu, na zwiga zwihulwane zwe A fulufhedzisa zwi tshi khou khunyelela, na lifhasi li tshi khou tetemela, midzinginyo i khou bvelela, zwiga zwihulwane zwe A amba, na Luńwalo lu tshi khou khunyelela, na Tshedza tsha madekwana tshi tshi khou penya. Ndi shuvhama nga muvhili wanga kha idzi sagaduku, ndo imela uyu muvhili wothe wa vhatendi u bva Vhubvađuvha, Vhukovhela, Devhula, na Tshipembe; huno nda ri kha Diabolo, “Nga Dzina la Yesu Kristo, tutshela mulwadze muńwe na muńwe ane izwi zwa vhewa khae,” uri khuliso na vhugala zwi ye kha Ipfi la Mudzimu. Nga Dzina la Ipfi la Mudzimu, Yesu Kristo wa Nazaretha. Amene.

¹⁹⁷ Zwino, ni sa iti phosho, nga ndila yo teaho, no dzivhuluwa, nahone ni kha thalukanyo dzañu dzone-dzone, sa vhatendi, naa ni a tenda zwino na tanganedza phodzo yañu i bvaho ha Mudzimu Ramaandaothe, nga Dzina la Yesu Kristo? Arali ni tshi ralo, imisani zwanda zwañu. Vhothe vha re nnda mashangoni, imisani zwanda zwañu ngeyo nnda. Muthu muñwe na muñwe a re ngomu hafha, u swika hune nda kona u vhona, vho vha vho imisela zwanda zwavho nñha; nga ngomu, nga nnda, vho ditikaho nga mafasitere, miñangoni, ngomu vhufuwazwimela, na u mona hothe huñwe na huñwe, vhathe vho imisela zwanda zwavho nñha. Vha a Li tanganedza. Sathane o kundwa! Ntho dza Yesu Kristo dzi a ni fhodza, huno Vhuhone ha Yesu Kristo vhu khwathisa mbuno ya uri U a tshila ñamusi, misi yothe u kona u vhulunga pfulufhedziso iñwe na iñwe ye A ita. Amene! Ndi a Mu tenda. A ni ralo? [Tshivhidzo tshi ri, "Amene."—Mudz.]

¹⁹⁸ Zwino kha ri ime nga milenzhe yashu. Nga Dzina la Murena Yesu, ri tshi khou tanganedza tshiñwe na tshiñwe tsho itwaho kana tsho ambiwaho, ri a Mu funa nga mbilu dzashu dzothe. Ri a Mu funa nga zweithe zwi re kha riñe. Zwino ni tshi ya mahayani aña o fhambanaho u bva madekwana a ñamusi, Mudzimu a ye na vhoiñwi. Mudzimu a ni ñee Muya Mukhethwa arali ni si na Muya Mukhethwa.

¹⁹⁹ Munna muñwe na muñwe, musadzi, mutukana, kana musidzana, fhano, ane a sa athu lovhedzwa nga Dzina la Yesu Kristo, hu na zwiambaro, tivha. Ni songo zwi vhetshela la matshelo zwine zwi nga itwa ñamusi. Matshelo hu nga di vha u lengesa. "Zwo edanaho ñamusi, zwa duvha, ndi vhuvhi ha hone." Hu na vhashumeli vho imaho, vho lindelaho, zwiambaro zwo lindela. A hu na zwa u dilandula ngazwo. Naa no lindela? Arali no lindela, ni a tenda. A hu londwi uri no lovhedzwa hani, no shashiwa, no shululelwa, tshiñwe na tshiñwe tshi re tshone, ndi khakho. Tshedza tsho ða. Idani, tendani, nahone ni lovhedzwe.

²⁰⁰ Muñwe na muñwe a si na Muya Mukhethwa, ngavhe ni tshi tanganedza Muya Mukhethwa, muñwe na muñwe wa vhoiñwi, nga maanda o ðalaho a Mudzimu na lufuno lwe A ni fulufhedzisa, u ni ita tshivhumbwa tshiswa kha Ene. Mudzimu a ni fhañutshedze.

²⁰¹ Zwino, u swika nga matsheloni a Swondaha i tevhelaho nga hafu u bva kha awara ya ñahe, kha ri imbe ulu luimbo lutuku lwe ra vha ri tshi anzela u lu imba miñwaha yo fhiraho.

Ni songo hangwa thabelo ya muta,
Yesu u todou tangana na inwi heneffo;
U ðo dzhia ndondolo yañu iñwe na iñwe,
Ni songo hangwa thabelo ya muta.

Kha ri lu imbe roñhe zwino.

Ni songo hangwa thabelo ya muṭa,
 Yesu u ṭodou ṭangana na inwi heneffo;
 U ḍo dzhia ndondolo yanu iñwe na iñwe,
 Oo, ni songo hangwa thabelo ya muṭa.

²⁰² Zwino ri tshi lu imba hafhu, khaḍanani na mufhiri a re tsini hanu, ni a vhona, musi ri tshi lu imba.

Ni songo hangwa thabelo ya muṭa,
 Oo, Yesu u ṭodou ṭangana na inwi heneffo;
 U ḍo dzhia ndondolo yanu iñwe na iñwe,
 Oo, ni songo hangwa thabelo ya muṭa.

²⁰³ Naa a ni Mu funi? Ndi a Mu funa. Ndi a Mu funa ngauri O funa nñe u thoma huno a renga tshidzo yanga (itsho tsho vha tshi tshire tsha khou kokodza) kha Thavha ya Khalivari. Tshire tsha khou kokodza ndi tshenetsho tshithihi kha Thavha ya Tshikovhelelo, Thavha ya Nebo, Thavha ya Sinai, tshenzhemo dza ḫodzini ha thavha dzothe dzo fhambanaho. Zwenezwo, zwo luga, kha ri lu imbe zwino.

Ndi a Mu funa, ndi a Mu funa
 Ngauri O funa nñe u thoma
 Huno o reng-...tshidzo
 Murini wa Khalivari.

²⁰⁴ Vhoṭhe vha no Mu funa, i ri ni, “Amene.” [Tshividzo tshi ri, “Amene.”—Mudz.] Nga zwi vhe nga u ralo! Zwino itonu elekanya nga ha zwe A ni itela zwone; elekanyani, uri no vha ni tshi nga vha ngei nnnda barani madekwana a ḥamusi. Hu na khonadzeo ya uri no vha ni tshi ḍo vha no no vha tshaloni vhunga nñe ndo vha ndo tea, nga nnnda ha khathutshelo dza Mudzimu. Naa O ni itelani? Oo, ro vha ri tshi nga litsha hani u Mu funa? A zwi iti phambano zwine nnyi na nnyi a amba, Ene ndi wa u thoma.

²⁰⁵ Kha ri vale maṭo ashu, nahone ri kotamise zwifhaṭuwo zwashu musi ri tshi Mu imbelo lwone zwino. U funa dzinyimbo, u imba dzingosha. Kha ri Mu imbele lwone zwino.

Ndi a Mu funa, ndi a Mu funa
 Ngauri O funa nñe u thoma
 Huno o renga tshidzo yanga
 Murini wa Khalivari.

²⁰⁶ Zwifhaṭuwo zwashu na dzimbiļu zwo kotama Vhuhoneni Hawe, ndivhuwo kha zwe maṭo ashu a vhona, zwe nđevhe dzashu dza zwi pfa, zwe zwa rekhodiwa kha Ipfi la Mudzimu, zwe pfulufhedziso Yawe ya vha zwone kha riñe ḥamusi. Mudzimu a ni fhaṭutshedze.

²⁰⁷ Ri na mu—mueni madekwana a ḥamusi, mukomana, Ned Iverson, u rangani o vha e mushumeli wa Puresbiterieni. Khotsi awe, vhakomana vhawé, ndi mushumeli wa Puresbiterieni. Ene, ndi a pfesesa, o lovhedzwa ḥamusi, hafhu,

nga Dzina ja Yesu Kristo. Ndi mushumeli, nahone ndi ene wavhuđi kha hezwo. Huno zwino ndi khou yo mu humbelo, vhunga ndi tshi mu tenda u vha vhalanda vha Mudzimu, u humbelo phađutshedzo dza Mudzimu kha itshi tshivhidzo musi ni tshi ya hayani hanu.

²⁰⁸ Mukomana Iverson, idani phanda, musi zwifhađuwo zwashu zwo kotama nga thabelo. Mudzimu a ni fhađutshedze, mukomana wanga.



NAA NDI TSHINI TSHINE TSHA KHOU KOKODZA THAVHANI? TSV65-0725E
(What Is The Attraction On The Mountain?)

Hoyu Mulaedza nga Mukomana William Marrion Branham, u rangani wo newa nga Tshiisimane nga madekwana a Swondaha, Fulwana 25, 1965, Thaberanakeđeni ya Branham kha ja Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḡhalutshedzo ya Tshivenda yo gandiswa huno ya phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org